

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-13899-1/14.
Zenica, 15.07.2014. godine

Z A P I S N I K

sa 172. sjednice Vlade Zeničko-dobojskog kantona održane dana 10.07.2014. godine

Sjednica je održana u sali 109, prvi sprat u zgradi Kantona, dana 10.07.2014. godine u trajanju od 11⁴⁶ do 13³⁰ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Sabina Heljić, ministrica Ministarstva finansija,
4. Ivica Ćurić, ministar Ministarstva za rad, socijalnu politiku i izbjeglice,
5. Mirko Trifunović, ministar Ministarstva za obrazovanje, nauku, kulturu i sport,
6. Senka Balorda, ministrica Ministarstva zdravstva,
7. Edin Terzić, ministar Ministarstva za prostorno uređenje, promet i komunikacije i zaštitu okoline,
8. Nedžad Lokmić, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Mirsad Kadić, sekretar Sekraterijata za zakonodavstvo,
3. Ivica Mandura, savjetnik Premijera Zeničko-dobojskog kantona,
4. Jasna Ahmetpahić, viši stručni saradnik za poslove informisanja u Uredu Premijera,
5. Alma Hrnjić, zapisničar.

Opravdano odsutan:

1. Rifat Delić, ministar Ministarstva unutrašnjih poslova i po ovlaštenju ministar Ministarstva za pravosuđe i upravu.

U svojstvu izvjestioca sjednici su prisustvovali:

1. Melih Karan za Ministarstvo za pravosuđe i upravu,
2. Ibrahim Havić, direktor Kantonalne direkcije robnih rezervi,
3. Mirsada Silajdžić, direktorica Kantonalna uprave za inspekcijske poslove.

Premijer je stavio na diskusiju predloženi

D N E V N I R E D :

1. Verifikacija Zapisnika sa 170. sjednice Vlade Zeničko-dobojskog kantona, održane dana 24.06.2014. godine;
2. Program utroška budžetskih sredstava u 2014. godini, Ministarstva za privredu Zeničko-dobojskog kantona, sa Prijedlogom Zaključka o prihvatanju;
3. Prijedlog Odluke o odobravanju finansijskih sredstva Općini Olovo na ime troškova izrade Studije opravdanosti projekta „Banjsko-rekreativni centar Aquaterm“ Olovo;
4. Prijedlog Zaključka o utvrđivanju Prijedloga Odluke o proširenom obimu prava iz zdravstvene zaštite za branioce i članove njihovih porodica, Ministarstva za boračka pitanja;
5. Prijedlog Uredbe o medicinskoj rehabilitaciji branilaca i članova njihovih porodica u banjsko-klimatskim lječilištima;
6. Prijedlog Uredbe o vanrednoj novčanoj pomoći braniocima i članovima njihovih porodica;
7. Prijedlog Uredbe o pomoći u rješavanju stambenog pitanja branilaca i članova njihovih porodica;
8. Prijedlog Uredbe o prednosti u školovanju branilaca i članova njihovih porodica;
9. Prijedlog Uredbe o stipendiranju redovnog studija branilaca i članova njihovih porodica;
10. Prijedlog Uredbe o dodjeli kredita za zapošljavanje branilaca i članova njihovih porodica;
11. Prijedlog Uredbe o naknadi troškova dženaze/sahranje branilaca i članova njihovih porodica;
12. Prijedlog Uredbe o naknadi troškova podizanja nišana/nadgrobnog spomenika;
13. Prijedlog Uredbe o novčanoj naknadi dobitnika ratnih priznanja i odlikovanja;
14. Prijedlog Uredbe o sufinansiranju sportskih aktivnosti ratnih vojnih invalida;
15. Prijedlog Odluke o finansiranju rada Kantonalnih udruženja branilaca i članova njihovih porodica;
16. Prijedlog Uredbe o izmjeni Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće;
17. Prijedlog Rješenja o imenovanju Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu;
18. Prijedlog Pravilnika o dopuni Pravilnika o praćenju i vrednovanju rada i sticanju zvanja nastavnika, stručnih saradnika i saradnika u osnovnim i srednjim školama, („Službene novine Zeničko-dobojskog kantona“, broj: 13/08), sa Prijedlogom Zaključka o davanju saglasnosti;
19. Prijedlog Zaključka o davanju saglasnosti za imenovanje direktora JU Osnovna škola „Gazi Ferhad-beg“ Jablanica;
20. Prijedlog Zaključka o davanju saglasnosti za imenovanje direktora JU Osnovna škola „Kulin ban“ Tešanjka;
21. Prijedlog Zaključka o davanju saglasnosti za imenovanje direktora JU Osnovna škola „Olovo“ Olovo;
22. Prijedlog Zaključka o davanju saglasnosti za imenovanje direktora JU Osnovna škola „Safvet-beg Bašagić“, Visoko;
23. Prijedlog Zaključka o davanju saglasnosti za imenovanje direktorice JU OŠ „Vladimir Nator“ Zenica;
24. Prijedlog Zaključka o nominiranju kandidata za člana Upravnog odbora Federalnog zavoda za penzijsko/mirovinsko i invalidsko osiguranje sa područja Zeničko-dobojskog kantona;
25. Prijedlog Zaključka Ministarstva za poljoprivredu, šumarstvo i vodoprivredu o davanju saglasnosti;
26. Prijedlog Zaključka o pokretanju Inicijative za dodatno dugoročno kreditno zaduženje Zeničko-dobojskog kantona u 2014. godini;

27. Prijedlog Zaključka o davanju ovlaštenja ministrici Ministarstva finansija za zaključivanje Izmjena i dopuna Ugovora o uslugama funkcionalne podrške trezorskom sistemu poslovanja sa "Oracle" BH d.o.o. Sarajevo;
28. Zaključak o izmjeni Zaključka o usvajanju Programa korištenja sredstava Budžeta Zeničko-dobojskog kantona za otkup poljoprivrednih proizvoda od proizvođača sa područja Kantona;
29. Prijedlog Zaključka o izuzeću Kantonalne uprave za inspekcijske poslove od postupanja po Zaključku Vlade broj: 02-14-11464/14 od 03.06.2014. godine;
30. Upoznavanje članova Vlade sa aktom;
 - Zaključak općinskog vijeća Breza broj: 01/1-02-1566/14 od 26.06.2014. godine;
 - Akt Kantonalne direkcije robnih rezervi broj: 17-44-10210-44-3/14 od 07.07.2014. godine.

Predložene su slijedeće dopune dnevnog reda:

1. Uputstvo o postupcima i kriterijima za odobravanje i dodjelu finansijskih sredstava namijenjenih saniranju dijela direktnih šteta od poplava kod privrednih subjekata, sa Zaključkom o usvajanju;
2. Prijedlog Zaključka o izuzimanju iz plana novčanih tokova Budžeta Zeničko-dobojskog kantona za mjesec juli 2014. godine, Ministarstva zdravstva;
3. Prijedlog Odluke o odobravanju sredstva JU Kantonalna bolnica Zenica za refundaciju troškova finansiranja nabavljene opreme od firme "Siemens"d.o.o. Sarajevo;

U diskusiji su učestvovali: Premijer Zeničko-dobojskog kantona i ministar Ministarstva za poljoprivredu, šumarstvo i vodoprivredu.

Članovi Vlade su se složili sa predloženim dopunama i izmjenom naziva za tačku 25. predloženog dnevnog reda, te je za sjednicu jednoglasno usvojen slijedeći

DNEVNI RED :

1. Verifikacija Zapisnika sa 170. sjednice Vlade Zeničko-dobojskog kantona, održane dana 24.06.2014. godine;
2. Program utroška budžetskih sredstava u 2014. godini, Ministarstva za privredu Zeničko-dobojskog kantona, sa Prijedlogom Zaključka o prihvatanju;
3. Prijedlog Odluke o odobravanju finansijskih sredstava Općini Olovo na ime troškova izrade Studije opravdanosti projekta „Banjsko-rekreativni centar Aquaterm“ Olovo;
4. Prijedlog Zaključka o utvrđivanju Prijedloga Odluke o proširenom obimu prava iz zdravstvene zaštite za branioce i članove njihovih porodica, Ministarstva za boračka pitanja;
5. Prijedlog Uredbe o medicinskoj rehabilitaciji branilaca i članova njihovih porodica u banjsko-klimatskim lječilištima;
6. Prijedlog Uredbe o vanrednoj novčanoj pomoći braniocima i članovima njihovih porodica;
7. Prijedlog Uredbe o pomoći u rješavanju stambenog pitanja branilaca i članova njihovih porodica;
8. Prijedlog Uredbe o prednosti u školovanju branilaca i članova njihovih porodica;
9. Prijedlog Uredbe o stipendiranju redovnog studija branilaca i članova njihovih porodica;
10. Prijedlog Uredbe o dodjeli kredita za zapošljavanje branilaca i članova njihovih porodica;
11. Prijedlog Uredbe o naknadi troškova dženaze/sahranje branilaca i članova njihovih porodica;
12. Prijedlog Uredbe o naknadi troškova podizanja nišana/nadgrobnog spomenika;

13. Prijedlog Uredbe o novčanoj naknadi dobitnika ratnih priznanja i odlikovanja;
14. Prijedlog Uredbe o sufinansiranju sportskih aktivnosti ratnih vojnih invalida;
15. Prijedlog Odluke o finansiranju rada Kantonalnih udruženja branilaca i članova njihovih porodica;
16. Prijedlog Uredbe o izmjeni Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće;
17. Prijedlog Rješenja o imenovanju Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu;
18. Prijedlog Pravilnika o dopuni Pravilnika o praćenju i vrednovanju rada i sticanju zvanja nastavnika, stručnih saradnika i saradnika u osnovnim i srednjim školama, („Službene novine Zeničko-dobojskog kantona“, broj: 13/08), sa Prijedlogom Zaključka o davanju saglasnosti;
19. Prijedlog Zaključka o davanju saglasnosti za imenovanje direktora JU Osnovna škola „Gazi Ferhad-beg“ Jablanica;
20. Prijedlog Zaključka o davanju saglasnosti za imenovanje direktora JU Osnovna škola “Kulin ban” Tešanjka;
21. Prijedlog Zaključka o davanju saglasnosti za imenovanje direktora JU Osnovna škola „Olovo“ Olovo;
22. Prijedlog Zaključka o davanju saglasnosti za imenovanje direktora JU Osnovna škola „Safvet-beg Bašagić“, Visoko;
23. Prijedlog Zaključka o davanju saglasnosti za imenovanje direktorice JU OŠ „Vladimir Nazor“ Zenica;
24. Prijedlog Zaključka o nominiranju kandidata za člana Upravnog odbora Federalnog zavoda za penzijsko/mirovinsko i invalidsko osiguranje sa područja Zeničko-dobojskog kantona;
25. Prijedlog Zaključka Vlade Zeničko-dobojskog kantona o davanju saglasnosti JP Šumsko privredno društvo ZDK doo Zavidovići;
26. Prijedlog Zaključka o pokretanju Inicijative za dodatno dugoročno kreditno zaduženje Zeničko-dobojskog kantona u 2014. godini;
27. Prijedlog Zaključka o davanju ovlaštenja ministrici Ministarstva finansija za zaključivanje Izmjena i dopuna Ugovora o uslugama funkcionalne podrške trezorskom sistemu poslovanja sa “Oracle” BH d.o.o. Sarajevo;
28. Zaključak o izmjeni Zaključka o usvajanju Programa korištenja sredstava Budžeta Zeničko-dobojskog kantona za otkup poljoprivrednih proizvoda od proizvođača sa područja Kantona;
29. Prijedlog Zaključka o izuzeću Kantonalne uprave za inspekcijske poslove od postupanja po Zaključku Vlade broj: 02-14-11464/14 od 03.06.2014. godine;
30. Prijedlog Zaključka o izuzimanju iz plana novčanih tokova Budžeta Zeničko-dobojskog kantona za mjesec juli 2014. godine, Ministarstva zdravstva;
31. Prijedlog Odluke o odobravanju sredstva JU Kantonalna bolnica Zenica za refundaciju troškova finansiranja nabavljene opreme od firme “Siemens”d.o.o. Sarajevo;
32. Prijedlog Zaključka o usvajanju Uputstva o postupcima i kriterijima za odobravanje i dodjelu finansijskih sredstava namijenjenih saniranju dijela direktnih šteta od poplava kod privrednih subjekata, Ministarstva za privredu.
33. Upoznavanje članova Vlade sa aktima;
 - Zaključak općinskog vijeća Breza broj: 01/1-02-1566/14 od 26.06.2014. godine;
 - Akt Kantonalne direkcije robnih rezervi broj: 17-44-10210-44-3/14 od 07.07.2014. godine i
 - usmeno upoznavanje Premijera Zeničko-dobojskog kantona o zahtjevima Općine Maglaj.

Prva tačka dnevnog reda

Vlada je jednoglasno usvojila Zapisnik sa 170. sjednice Vlade Zeničko-dobojskog kantona, održane dana 24.06.2014. godine.

Druga tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

Vlada je jednoglasno donijela Zaključak o usvajanju Programa utroška budžetskih sredstva u 2014. godini.

Usvaja se Program utrošku budžetskih sredstava u 2014. godini, Ministarstva za privredu Zeničko-dobojskog kantona, u iznosu od 591.000,00 KM (slovima: petstotinadevedesetjednahiljada konvertibilnih maraka), koji čini sastavni dio ovog zaključka.

Sredstva iz tačke I. ovog zaključka realizovat će se u skladu sa odobrenim mjesečnim operativnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade Kantona.

Ovim zaključkom stavlja se van snage Zaključak Vlade Zeničko-dobojskog kantona o usvajanju Programa utroška budžetskih sredstva u 2014. godini, broj: 02-14-3234/14 od 12.02.2014. godine čiji je sastavni dio Program o utrošku budžetskih sredstava u 2014. godini, broj: 02-14-3234-1/14 od 12.02.2014. godine.

Zadužuje se Ministarstvo za privredu da objavi obavještenje o poništavanju svih Javnih poziva objavljenih u Našoj riječi, dana 29.04.2014. godine. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

U diskusiji su učestvovali: Premijer Zeničko-dobojskog kantona, ministrica Ministarstva zdravstva, ministar Ministarstva za poljoprivredu, šumarstvo i vodoprivredu, ministar Ministarstva za prostorno uređenje, promet i komunikacije i zaštitu okoline i ministar Ministarstva za boračka pitanja.

Vlada je jednoglasno donijela Odluku o odobravanju finansijskih sredstava Općini Olovo za izradu Studije opravdanosti projekta „Banjsko-rekreativni centar Aquaterm“ Olovo.

Odobravaju se finansijska sredstva Općini Olovo u iznosu od 30.000,00 KM (slovima: tridesethiljada konvertibilnih maraka), na ime troškova izrade Studije opravdanosti projekta „Banjsko-rekreativni centar Aquaterm“ Olovo.

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2014. godinu, razdjel 18, budžetska organizacija 01, potrošačka jedinica 0001, ekonomski kod 614 100, pozicija «Tekući transferi općinama za provođenje projekata prema Zakonu o javno-privatnom partnerstvu», na žiro-račun broj: 3380002210027217 kod UniCredit Bank d.d.

Obavezuje se Općina Olovo da po završetku izrade Studije opravdanosti, Ministarstvu za privredu dostavi Studiju opravdanosti projekta „Banjsko-rekreativni centar Aquaterm“ Olovo i izvještaj sa svim bitnim dokazima o utrošku odobrenih sredstava.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima, realizuju ovu odluku svako u okviru svojih nadležnosti.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Četvrta tačka dnevnog reda

Uvodno izlaganje za tačke Ministarstva za boračka pitanja dao je Premijer Zeničko-dobojskog kantona.

Jedinstveno obrazloženje za tačke 4-15 usvojenog dnevnog reda dao je Nedžad Lokmić, ministar Ministarstva za boračka pitanja.

U diskusiji su učestvovali: Premijer Zeničko-dobojskog kantona, ministrica Ministarstva finansija, ministrica Ministarstva zdravstva, ministar Ministarstva za prostorno uređenje, promet i komunikacije i zaštitu okoline, ministar Ministarstva za poljoprivredu, šumarstvo i vodoprivredu i sekretar Vlade.

Vlada je sa jednim glasom „protiv“ i sedam glasova „za“ uz predložene izmjene i dopune donijela Zaključak kojim se utvrđuje Prijedlog Odluke o proširenom obimu prava iz zdravstvene zaštite za branioce i članove njihovih porodica, Ministarstva za boračka pitanja kao obrađivača. Zaključak sa Prijedlogom Odluke iz tačke I. ovog zaključka dostavlja se Stručnoj službi Skupštine Zeničko-dobojskog kantona u daljnu skupštinsku proceduru. Zaključak stupa na snagu danom donošenja.

Peta tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

UREDBU O MEDICINSKOJ REHABILITACIJI BRANILACA I ČLANOVA NJIHOVIH PORODICA U BANJSKO-KLIMATSKIM LJEČILIŠTIMA

DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na banjsko i klimatsko liječenje branilaca i članova njihovih porodica, koji imaju prebivalište na području Zeničko-dobojskog kantona (u daljnjem tekstu: Kanton) kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona ili koji su na evidenciji nadležnog organa za vojne evidencije u općinama Kantona.

Medicinska rehabilitacija iz stava (1) ovog člana sprovodi se u specijalizovanim zdravstvenim ustanovama za banjsko-klimatsko liječenje (u daljnjem tekstu: lječilište) sa kojima Ministarstvo za boračka pitanja Zeničko-dobojskog kantona (u daljnjem tekstu: Ministarstvo) ima zaključene ugovore o banjsko-klimatskom liječenju i rehabilitaciji.

Korisnici prava po ovoj Uredbi su ratni vojni invalidi sa stepenom invalidnosti 70% i više.

Pravo na medicinsku rehabilitaciju po ovoj Uredbi, pod uvjetom da im je prema medicinskim indikacijama takvo liječenje potrebno i da su u posljednjih godinu dana liječeni od bolesti zbog koje se upućuju u lječilište (medikamentozno, operativno, fizikalno-ambulantno ili stacionarno), mogu koristiti i:

dobitnici ratnih priznanja ili odlikovanja;

ostali ratni vojni invalidi;

demobilizirani branioци koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;

članovi porodice šehida, poginulih, umrlih i nestalih branilaca i umrlih ratnih vojnih invalida;

članovi uže porodice poginulih, umrlih ili nestalih dobitnika ratnog priznanja ili odlikovanja.

Medicinska indikacija iz stava (2) ovog člana postoji u slučajevima dijagnosticiranja bolesti navedene kao indikacije na Listi indikacija i kontraindikacija za liječenje u prirodnim lječilištima.

Sa braniocima, u smislu ove Uredbe, izjednačeni su u pravima učesnici narodnooslobodilačkog-antifašističkog rata 1941.-1945.godine, čiji je status utvrđen rješenjem nadležnog organa.

Pod uvjetima iz člana 2. stav (2) ove Uredbe, posebni korisnici prava na medicinsku rehabilitaciju mogu biti i:

udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;

roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Pravo na medicinsku rehabilitaciju po ovoj Uredbi lica iz člana 2. i 3. ove Uredbe mogu koristiti pod uvjetom da imaju prebivalište na području Kantona u trajanju od najmanje dvije godine neprekidno, osim povratnika u Republiku Srpsku.

U lječilište, u skladu sa ovom Uredbom, izuzetno mogu biti upućeni i članovi invalidskog sportskog kluba i reprezentacije u invalidskom sportu, kao i pojedinci ratni vojni invalidi - sportiste, u okviru priprema za takmičenja.

Korisniku prava se, u slučaju potrebe, može odobriti pratilac u vrijeme odlaska u lječilište i povratka iz lječilišta.

Korisnik dodatka za njegu i pomoć drugog lica, kao i drugi korisnik prava čija je ukupna nesposobnost jednaka nesposobnosti korisnika dodatka za njegu i pomoć drugog lica, za period boravka u lječilištu ima pravo na pratioca, kojem se osigurava smještaj i ishrana.

Pojmovi iz ove Uredbe: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

DIO DRUGI - MEDICINSKA REHABILITACIJA

POGLAVLJE I. TRAJANJE MEDICINSKE REHABILITACIJE

Medicinska rehabilitacija u lječilištu traje četrnaest dana.

Izuzetno, kada je to medicinski opravdano i na pismeni prijedlog ljekara specijaliste u lječilištu, medicinska rehabilitacija se može produžiti do 28 dana.

Prijedlog za produženje dostavlja se najkasnije pet dana prije isteka odobrenog roka medicinske rehabilitacije.

Članovima invalidskih sportskih klubova i reprezentacija boravak u lječilištu odobrava se za period od sedam do deset dana, jednom godišnje, pred početak takmičarske sezone i evropskog /svjetskog prvenstva.

POGLAVLJE II. POSTUPAK UPUĆIVANJA U LJEČILIŠTE

Na zahtjev korisnika prava, ljekar specijalista odnosno zdravstvena ustanova u kojoj isti ostvaruje primarnu zdravstvenu zaštitu, izdaje prijedlog za upućivanje na medicinsku rehabilitaciju (u daljnjem tekstu: prijedlog ljekara).

Prijedlog ljekara se izdaje nakon izvršenog neposrednog uvida u zdravstveni karton korisnika prava, radi upoznavanja sa podacima o ranijem liječenju, a isti mora biti obrazložen i sadržavati podatke o medikamentoznom, operativnom, fizikalno-ambulantnom ili stacionarnom liječenju, najmanje u prethodnih godinu dana.

Pored medicinske dokumentacije iz koje se može utvrditi dijagnoza bolesti i način liječenja korisnika prava (otpusnice iz ustanova gdje je stacionarno obavljeno liječenje, nalazi ljekara specijalista - hirurga, ortopeda, traumatologa, neurohirurga, neuropsihijatra i sl.), obavezna je kontrola i pregled kod nadležnih specijalista fizijatra i interniste, čiji nalazi ne smiju biti stariji od 30 dana.

Nalaz specijaliste fizijatra mora ukazivati na neophodnost medicinske rehabilitacije, a u nalazu interniste mora biti naznačeno da li za boravak u lječilištu ima kontraindikacija.

U okviru medicinske dokumentacije nisu neophodni laboratorijski nalazi, EKG i radiološke snimke.

Pravo na medicinsku rehabilitaciju po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Uz zahtjev za medicinsku rehabilitaciju podnosilac prilaže prijedlog ljekara, nalaze ljekara - specijalista fizijatra i interniste i drugu odgovarajuću dokumentaciju.

U roku od pet dana po prijemu zahtjeva, općinska služba utvrđuje prijedlog za upućivanje na medicinsku rehabilitaciju (u daljnjem tekstu: prijedlog općinske službe), koji uz kompletnu dokumentaciju korisnika prava (zahtjev, prijedlog ordinirajućeg ljekara za liječenje u lječilištu, lični karton i prateću medicinsku dokumentaciju) dostavlja Ministarstvu, na jedinstvenom obrascu kojeg propisuje ministar Ministarstva u roku od osam dana od dana stupanja na snagu Uredbe.

Nakon stručne obrade prijedloga općinskih službi od strane službenika Ministarstva nadležnog za poslove rehabilitacije (u daljnjem tekstu: službenik Ministarstva), isti se sa kompletnom dokumentacijom prosljeđuju Komisiji za odobravanje upućivanja branilaca i članova njihovih porodica u lječilišta (u daljnjem tekstu: Komisija), koju svojim rješenjem imenuje ministar Ministarstva, u roku od pet dana od stupanja na snagu ove Uredbe.

Komisiju čine tri ljekara specijalista, od kojih su dva fizijatra i jedan specijalista interne medicine, te službenik Ministarstva, koji je ujedno i sekretar Komisije.

Posebnim rješenjem ministra Ministarstva utvrđuje se naknada za rad članova Komisije, izuzev za sekretara Komisije.

Sjednice Komisije, u dogovoru sa ostalim članovima, zakazuje službenik Ministarstva.

Sjednice se održavaju svakih četrnaest dana, najkasnije pet dana prije termina upućivanja na medicinsku rehabilitaciju.

O radu Komisije vodi se zapisnik.

Komisija vrši vještačenje po svakom zahtjevu pojedinačno.

U slučaju potrebe, Komisija poziva podnosioca zahtjeva na pregled, a u slučaju sumnje na kontraindikativna oboljenja može zatražiti i druga medicinska ispitivanja.

U nalazu i mišljenju Komisije se navodi broj i datum održavanja sjednice, da li je potreba medicinska rehabilitacija, u kojem lječilištu i terminu, te daje prijedlog za upućivanje na medicinsku rehabilitaciju.

U nalazu i mišljenju se navodi razlog za slučaj nemogućnosti odobravanja medicinske rehabilitacije, te prijedlog daljnjeg postupka u liječenju: kontrola i fizikalni tretman ambulantno kod nadležnog fizijatra ili stacionarno na Odjeljenju za fizikalnu medicinu i rehabilitaciju Kantonalne bolnice u Zenici; kontrola i pregled kod određenog specijaliste, itd.

Podnosioci zahtjeva kojima nije odobrena medicinska rehabilitacija, mogu podnijeti novi zahtjev nakon isteka roka od šest mjeseci, nakon realizovanja prijedloga Komisije o daljnjem liječenju i uz prijedlog nadležnog ljekara specijaliste.

U slučaju neodobravanja medicinske rehabilitacije zbog kontraindikacija, ponovni zahtjev se može podnijeti poslije otklanjanja, odnosno izlječenja oboljenja koja su kontraindikativna i nakon isteka roka od jedne godine.

Na prijedlog Komisije i u skladu sa kriterijima utvrđenim ovom Uredbom, ministar Ministarstva donosi odluku o upućivanju korisnika prava na medicinsku rehabilitaciju u određena lječilišta.

Ministarstvo dostavlja odluku i obavijest općinskim službama o stavu po zaprimljenim prijedlozima, uz povrat kompletne dokumentacije.

Na osnovu zaprimljene odluke iz stava (1) ovog člana, općinska služba donosi rješenje u skladu sa članom 211. Zakona o upravnom postupku.

Rješenje o odbacivanju ili odbijanju zahtjeva, u skladu sa zaključkom Komisije u tom smislu, općinska služba donosi u skraćenom postupku na osnovu člana 139. stav 1. i 2. Zakona o upravnom postupku.

O žalbi na rješenje općinske službe rješava Ministarstvo.

Branioci i članovi njihovih porodica pravo na medicinsku rehabilitaciju mogu ostvariti samo jednom u kalendarskoj godini.

POGLAVLJE III. BROJ I STRUKTURA KORISNIKA

Broj korisnika prava na medicinsku rehabilitaciju koji se mjesečno upućuju u lječilišta zavisi od visine mjesečnog iznosa opredijeljenih budžetskih sredstava u tu svrhu.

Prednost pri upućivanju na medicinsku rehabilitaciju, po pravilu, imaju:

ratni vojni invalidi sa stepenom invalidnosti 70% i više;

ratni vojni invalidi i dobitnici ratnih priznanja i odlikovanja;

demobilizirani branioci;

članovi porodice šehida, poginulih, umrlih, nestalih branilaca i članovi uže porodice poginulih, umrlih ili nestalih dobitnika ratnog priznanja ili odlikovanja;

udovica umrlog demobiliziranog branioca i roditelji umrlog ratnog vojnog invalida ili demobiliziranog branioca iz člana 3. ove Uredbe.

POGLAVLJE IV. - ODLAZAK U LJEČILIŠTE

Ministarstvo dostavlja lječilištu odluku o upućivanju lica na medicinsku rehabilitaciju i dogovara početak liječenja, o čemu obavještava općinske službe.

Općinske službe blagovremeno izdaju uputnicu korisnicima prava kojima je odobrena medicinska rehabilitacija, sa naznakom lječilišta i termina boravka.

Korisnik prava kojem je odobrena medicinska rehabilitacija istu može koristiti samo na osnovu izdate uputnice i u terminu utvrđenom uputnicom.

U slučaju opravdane spriječenosti korisnika prava za početak korištenja medicinske rehabilitacije u određenom terminu (smrtni slučaj u porodici, bolest i sl.), isti je dužan je o tome odmah obavijestiti općinsku službu.

U slučaju iz stava (1) ovog člana početak korištenja medicinske rehabilitacije odgađa se najkasnije za period od 30 dana, u suprotnom je obavezno provođenje ponovne procedure u skladu sa ovom Uredbom.

Korisnici prava prilikom dolaska u lječilište, dužni su predložiti ličnu kartu i uputnicu općinske službe, nakon čega se podvrgavaju ljekarskom pregledu.

Ukoliko prilikom ljekarskog pregleda bude utvrđeno da korisnik prava boluje od bolesti zbog koje je medicinska rehabilitacija u tom lječilištu kontraindicirana, ista neće biti započeta, o čemu korisniku prava lječilište izdaje potvrdu.

U slučaju iz stava (2) ovog člana lječilište će predmet sa ljekarskim nalazom i mišljenjem vratiti Ministarstvu radi ponovnog razmatranja zdravstvenog stanja korisnika prava od strane nadležne ljekarske komisije.

Lječilište je obavezno upoznati korisnika prava sa svim vidovima zdravstvene zaštite, sportske rekreacije kao metoda liječenja i ostalim uslugama predviđenim ugovorom koje je sa lječilištem zaključilo Ministarstvo.

Korisnik prava na medicinsku rehabilitaciju dužan je pridržavati se pravila lječilišta u pogledu reda i discipline kao i savjeta i uputstava ljekara lječilišta.

Po završetku rehabilitacije obavlja se ljekarski pregled korisnika prava, nakon čega se podaci o primijenjenom tretmanu, terminu, rezultatima i uspjehu liječenja unose u određene rubrike bolesničkog lista.

Uz račun za obavljene usluge lječilište dostavlja Ministarstvu kopije izdatih otpusnica korisnika prava koji su okončali medicinsku rehabilitaciju.

DIO TREĆI - ZAVRŠNE ODREDBE

Sredstva za troškove medicinske rehabilitacije osiguravaju se u Budžetu Kantona, u skladu sa prilivima sredstava, a istim su obuhvaćeni smještaj u dvokrevetnim i trokrevetnim sobama, ishrana i zdravstvene usluge.

Troškove prijevoza u cilju odlaska i povratka iz lječilišta snose korisnici prava.

Ugovorima između Ministarstva i lječilišta regulišu se pitanja broja korisnika prava po smjeni (grupi), dužine trajanja smjena, cijene jednog BO dana, načina i uvjeta plaćanja i druga pitanja od značaja za sprovođenje ove Uredbe.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po obrascima koje propisuje ministar Ministarstva, u roku od osam dana od dana stupanja Uredbe na snagu.

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Uredba o medicinskoj rehabilitaciji branilaca i članova njihovih porodica u banjско-klimatskim lječilištima ("Službene novine Zeničko-dobojskog kantona" broj 12/06, 6/10 i 2/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Šesta tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

UREDBU O VANREDNOJ NOVČANOJ POMOĆI BRANIOCI I ČLANOVIMA NJIHOVIH PORODICA
DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na novčanu pomoć za osnovne potrebe branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Pomoć iz stava (1) ovog člana branioci i članovi njihovih porodica ostvaruju u slučajevima vanrednih okolnosti kao što su elementarne nepogode i nesreće, smrt i bolest člana porodičnog domaćinstva i u drugim slučajevima koji uzrokuju tešku ekonomsku situaciju i potrebu osiguranja neophodnih sredstava.

Novčanu pomoć po ovoj Uredbi mogu ostvariti:

dobitnici ratnih priznanja ili odlikovanja;

ratni vojni invalidi;

demobilizirani branioci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;

članovi porodice šehida, poginulih, umrlih i nestalih branilaca i umrlih ratnih vojnih invalida;

članovi uže porodice poginulih, umrlih ili nestalih dobitnika ratnog priznanja ili odlikovanja.

Prava po ovoj Uredbi mogu koristiti i:

udovica umrlog demobiliziranog branioca koji je u redovima Oružanih snaga proveo najmanje dvije godine i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;

roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Novčanu pomoć po ovoj Uredbi, branioci i članovi njihovih porodica mogu ostvariti pod uvjetom da:

imaju prebivalište na području Kantona u trajanju od najmanje dvije godine neprekidno, osim povratnika u Republiku Srpsku;

prava iz oblasti branilačko-invalidske zaštite ostvaruju u općinama Kantona;

nisu u radnom odnosu, izuzev lica koja su na čekanju posla duže od šest mjeseci u zadnjih godinu dana;

oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;

sredstva za naznačene potrebe nisu ostvarili po nekom drugom pravnom osnovu;

da ukupna primanja porodičnog domaćinstva (uključivo primanja po osnovu branilačko-invalidske zaštite) ne prelaze iznos od 50% od prosječne neto plaće isplaćene u Federaciji Bosne i Hercegovine u prethodnoj kalendarskoj godini, prema podacima Zavoda za statistiku Federacije Bosne i Hercegovine.

Vanredna novčana pomoć može biti odobrena jednom u toku kalendarske godine

Pojmovi iz ove Uredbe: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i

Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

DIO DRUGI - POSTUPAK DODJELE POMOĆI

Pravo na novčanu pomoć po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Uz zahtjev za dodjelu novčanih sredstava zainteresovano lice prilaže sljedeću dokumentaciju:

dokaz o statusu branioca i člana porodice branioca;

fotokopiju lične karte;

uvjerenje o prebivalištu;

dokaz o prihodima članova domaćinstva (uvjerenje Službe za zapošljavanje o nezaposlenosti podnosioca zahtjeva i članova njegovog domaćinstva, uvjerenje preduzeća o periodu čekanja na posao i dr.);

ovjerena izjava o zajedničkom domaćinstvu (kućna lista);

druge dokaze iz kojih se vidi opravdanost zahtjeva.

Sredstva po ovoj Uredbi ne mogu ostvariti osobe za koje se utvrdi da su u zahtjevu i priloženoj dokumentaciji prikrili ili dali netačne podatke ili dokumente.

U postupku po zahtjevu općinska služba formira komisiju u čiji rad su obavezno uključeni i predstavnici branilačkih udruženja (u daljnjem tekstu: Komisija).

Zadatak Komisije je da:

utvrdi kompletnost podnesene dokumentacije i zahtijeva otklanjanje uočenih nedostataka i eventualnu dopunu dokumentacije;

u slučaju potrebe izvrši neposredan uviđaj u stvarima iz zahtjeva;

sačini izvještaj o socijalno-ekonomskoj situaciji podnosioca zahtjeva i njegove porodice;

predloži odbijanje zahtjeva ili odobravanje novčane pomoći.

Na osnovu prijedloga Komisije općinska služba:

donosi rješenje o priznavanju prava na novčanu naknadu u iznosu do 300,00 KM ili rješenje o odbijanju zahtjeva;

obrazložen prijedlog sa kompletnom dokumentacijom podnosioca zahtjeva i prijedlogom o visini novčane pomoći u iznosu iznad 300,00 KM dostavlja Ministarstvu.

Dostavljene prijedloge za odobravanje pomoći razmatra tročlana komisija, koju posebnim rješenjem imenuje ministar Ministarstva (u daljnjem tekstu: Komisija Ministarstva).

Zadatak Komisije je da razmotri dostavljene prijedloge općinskih službi, izvrši uvid u priloženu dokumentaciju, konstatuje ispravnost postupka, te dostavi ministru Ministarstva obrazložen stav o odbijanju ili opravdanosti zahtjeva sa prijedlogom o dodjeli novčane pomoći.

U svom radu po podnesenim zahtjevima, Komisija ima pravo vršiti provjeru podnesene dokumentacije, tražiti dopunu iste, te u posebnim slučajevima izvršiti neposredan uviđaj u stvarima iz zahtjeva.

U posebnim slučajevima koji nisu definirani ovom Uredbom, a po svemu su specifični i zahtijevaju hitno rješavanje, na zahtjev proslijeđen od općinske službe i uz obrazložen prijedlog Komisije, odobravanje sredstava vrši ministar Ministarstva.

Na osnovu prijedloga Komisije, o dodjeli sredstava po podnesenim zahtjevima u pojedinačnim iznosima koji ne prelaze iznos od 1.000,00 KM odlučuje ministar Ministarstva.

Na obrazloženi prijedlog Ministarstva, zaključak o odobravanju dodjele sredstava u iznosu većem od 1.000,00 KM donosi Vlada Kantona.

Na osnovu dostavljene obavijesti Ministarstva, općinska služba donosi rješenje o odobravanju pomoći, odbacivanju ili odbijanju zahtjeva.

O žalbi na rješenja općinske službe rješava Ministarstvo.

O doznačenim sredstvima za isplatu novčane pomoći općinska služba obavještava korisnike i istim vrši isplatu putem tekućih računa.

Općinska služba je dužna Ministarstvu dostaviti pravdanje utrošenih sredstava u roku od 15 dana po izvršenoj isplati.

DIO TREĆI - ZAVRŠNE ODREDBE

Sredstva za realizaciju prava branilaca i članova njihovih porodica po ovoj Uredbi, osiguravaju se u Budžetu Kantona u skladu sa prilivom sredstava.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

U realizaciji ove Uredbe ministar Ministarstva može donijeti odgovarajuće instrukcije.

Nadzor nad provođenjem ove Uredbe ima Ministarstvo.

Sve imenice koje se odnose na braniocima i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Uredba o vanrednoj novčanoj pomoći braniocima i članovima njihovih porodica ("Službene novine Zeničko-dobojskog kantona" broj 19/07 i 2/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Sedma tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

UREDBU O POMOĆI U RJEŠAVANJU STAMBENOG PITANJA BRANILACA I ČLANOVA NJIHOVIH PORODICA

DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na pomoć u rješavanju stambenog pitanja branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Korisnici prava po ovoj Uredbi su:

dobitnici ratnih priznanja ili odlikovanja;

ratni vojni invalidi;

demobilizirani branioci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;

članovi porodice šehida, poginulih, umrlih i nestalih branilaca i umrlih ratnih vojnih invalida;

članovi uže porodice poginulih, umrlih ili nestalih dobitnika ratnog priznanja ili odlikovanja.

Prava po ovoj Uredbi može koristiti i:

udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;

roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Pravo na pomoć u stambenom zbrinjavanju, lica iz člana 2. i 3. ove Uredbe ostvaruju pod uvjetom da:

imaju prebivalište na području Kantona u trajanju od najmanje tri godine neprekidno, osim povratnika u Republiku Srpsku;

prava iz oblasti branilačko-invalidske zaštite ostvaruju u općinama Kantona;

nemaju riješeno stambeno pitanje na području Bosne i Hercegovine;

posjeduju valjanu dokumentaciju za izgradnju ili kupovinu stambenog objekta;

nisu bili korisnici nepovratnih sredstava Federalnog, Kantonalnog ili općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu većem od 5.000,00 KM;

nisu izvršili zamjenu, prodaju ili poklon stambenog objekta u ličnom ili vlasništvu članova zajedničkog domaćinstva;

oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice.

da ukupna primanja domaćinstva demobiliziranog branioca i ratnog vojnog invalida sa stepenom invalidnosti od 20% do 60% ne prelazi iznos prosječne neto plaće isplaćene u Federaciji Bosne i Hercegovine u prethodnoj kalendarskoj godini, prema podacima Zavoda za statistiku Federacije Bosne i Hercegovine.

U smislu ove Uredbe smatra se da je stambeno zbrinuto lice koje u ličnom vlasništvu, vlasništvu bračnog druga ili bilo kojeg člana porodičnog domaćinstva, posjeduje stambeni objekat sa minimalnim uvjetima stanovanja.

Pod minimalnim uvjetima stanovanja u smislu stava (2) ovog člana smatra se opremljen prostor namijenjen za stanovanje (soba, kuhinja, kupaonica, hodnik) u kojem boravi porodica odnosno domaćinstvo.

Pojmovi iz ove Uredbe: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili

odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10, u daljnjem tekstu: Federalni zakon).

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Pomoć u rješavanju stambenog pitanja branilaca i članova njihovih porodica vrši se putem:
prijenosa prava vlasništva na stanovima dodijeljenim na korištenje od strane Vlade Kantona;
odobravanjem sredstava općinama u svrhu kupovine i izgradnje stambenih jedinica;
dodjelom jednokratnih bespovratnih novčanih sredstava u svrhu:
izgradnje stambenog objekta s ciljem trajnog stambenog rješavanja;
kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini;
prilagođavanja stambenog objekta posebnim potrebama ratnih vojnih invalida;
sufinansiranja izdavanja dozvole za gradnju i sufinansiranja legalizacije stambenog objekta.

Rješavanje stambenog pitanja branilaca i članova njihovih porodica vrši se po pravu prvenstva kako slijedi:

dobitnici ratnih priznanja ili odlikovanja iz člana 5. stav 3. Federalnog zakona;
djeca šehida, poginulih, umrlih, nestalih branilaca bez oba roditelja i ratni vojni invalidi sa oštećenjem organizma od 100% I grupe;
porodice sa dva i više šehida, poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 3. Federalnog zakona;
porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stavovi 4. i 5. Federalnog zakona i umrlih ratnih vojnih invalida;
ostali dobitnici ratnih priznanja ili odlikovanja;
ratni vojni invalidi sa oštećenjem organizma od 20% do 60%;
demobilizirani branioci;
udovica umrlog demobiliziranog branioca iz člana 3. tačka a) ove Uredbe;
roditelji umrlog ratnog vojnog invalida ili demobiliziranog branioca iz člana 3. tačka b) ove Uredbe.

DIO DRUGI - POSTUPAK DODJELE NOVČANIH SREDSTAVA

U svrhu pomoći u rješavanju stambenog pitanja, braniocima i članovima njihovih porodica po pojedinačnim zahtjevima mogu biti odobrena novčana sredstva u maksimalnom iznosu do 30.000,00 KM.

Izuzetno od odredbe stava (1) ovog člana, Vlada Kantona, na obrazloženi prijedlog Ministarstva, može odobriti sredstva u većem iznosu za potrebe stambenog zbrinjavanja RVI 100% I grupe.

Pravo na novčanu pomoć po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Općinska služba objavljivanjem oglasa po instrukciji Ministarstva za boračka pitanja Zeničko-dobojskog kantona (u daljnjem tekstu: Ministarstvo) obavještava branioca i članove njihovih porodica o mogućnosti podnošenja zahtjeva za dodjelu novčanih sredstava na ime pomoći u stambenom zbrinjavanju, uz naznaku roka za podnošenje zahtjeva koji ne može biti kraći od 15 dana.

Zahtjev za novčanu pomoć u svrhu stambenog zbrinjavanja podnosi se na posebnom obrascu kojeg propisuje ministar Ministarstva u roku od osam dana od dana stupanja na snagu ove Uredbe.

Uz zahtjev za dodjelu sredstava za stambeno zbrinjavanje zainteresovani kandidati prilažu sljedeću dokumentaciju:

dokaz o statusu branioca i člana porodice branioca;

fotokopiju lične karte;

rješenje o starateljstvu nad malodobnom djecom bez oba roditelja;

dokaz o provedenoj ostavinskoj raspravi na pokretnoj i nepokretnoj imovini za porodice šehida/poginulih branilaca;

uvjerenje o kretanju izdato od MUP-a;

u slučaju gradnje stambenog objekta: građevinska dozvola, z.k. izvadak na imovinu kao dokaz o vlasništvu podnosioca zahtjeva, a u slučaju kupovine stambenog objekta: ugovor o kupovini stambenog objekta uz priložen z.k. izvadak prodavca ili dokaz da je podnesen zahtjev za uknjižbu od strane kupca);

uvjerenje o prihodima zaposlenih, odnosno uvjerenje o nezaposlenosti punoljetnih članova domaćinstva;

posjedovni list i uvjerenje o promjenama u katastru od 1992.godine iz svih općina prebivališta (za lica koja su mijenjala prebivališta);

uvjerenje nadležnog općinskog organa da nisu bili korisnici nepovratnih sredstava Federalnog, Kantonalnog ili općinskog budžeta dodjeljenih u svrhu stambenog zbrinjavanja u iznosu većem od 5.000,00 KM;

izjava da nisu izvršili zamjenu, prodaju ili poklon stambenog objekta u ličnom ili vlasništvu bračnog druga;

ovjerena izjava o zajedničkom domaćinstvu (kućna lista);

uvjerenje Porezne uprave i

druge dokaze iz kojih se vidi opravdanost zahtjeva.

Općinska služba formira stručnu komisiju (u daljnjem tekstu: Komisija), od tri do pet članova, od kojih najmanje jedan član posjeduje zvanje građevinske struke, a jedan je predstavnik branilačkih organizacija.

Zadatak Komisije je da razmotri podnesene zahtjeve, izvrši uvid u priloženu dokumentaciju i stanje objekta/stana na licu mjesta, sačini zapisnik o utvrđenom stanju, te utvrdi listu prvenstva za odobravanje sredstava podnosiocima zahtjeva u skladu s članom 8. ove Uredbe.

U slučaju da je oglas raspisan na period duži od 30 dana, općinska služba sačinjava listu prvenstva po zahtjevima zaprimljenim u roku od prvih 30 dana po objavljivanju oglasa, a za ostali period postupak određuje ministar Ministarstva.

Sačinjenu listu prvenstva Komisija ističe na oglasnoj ploči (bez naznake iznosa sredstava) u roku od 15 dana, u kojem nezadovoljni podnosioci zahtjeva imaju pravo podnijeti prigovor općinskoj službi.

Općinska služba je dužna razmatriti podnesene prigovore i na iste odgovoriti u narednom roku od osam dana.

Na osnovu sprovedenog postupka, općinska služba sačinjava prijedloge dodjele pomoći, utvrđene u skladu sa planom dodjele sredstava po općinama Kantona prema godišnjem programu utroška sredstava Ministarstva.

Zahtjeve sa konačnom listom prvenstva, sačinjenom na propisanom obrascu i prijedlozima za dodjelu sredstava, općinska služba dostavlja Ministarstvu, u roku od koji ne može biti duži od 15 dana od dana oglašavanja liste prvenstva.

Dostavljenu dokumentaciju razmatra petočlana komisija koju posebnim rješenjem imenuje ministar Ministarstva (u daljnjem tekstu: Komisija Ministarstva).

Zadatak Komisije Ministarstva je da razmotri dostavljene prijedloge općinskih službi, izvrši uvid u priloženu dokumentaciju i po potrebi istu provjeri, konstatuje ispravnost postupka, a u posebnim slučajevima izlaskom na teren utvrdi činjenično stanje, te zahtijeva pribavljanje i dostavljanje na uvid naknadno i druge dokumentacije za koju ocjeni da je od značaja za donošenje odluke o odobravanju sredstava.

Po okončanim aktivnostima iz prethodnog stava, Komisija Ministarstva dostavlja ministru Ministarstva obrazložen stav o odbijanju ili opravdanosti zahtjeva, sa prijedlogom o dodjeli novčane pomoći, usklađenim sa programom utroška sredstava Ministarstva.

Na osnovu prijedloga Komisije Ministarstva o dodjeli sredstava po listi i podnesenim zahtjevima u pojedinačnim iznosima koji ne prelaze iznos od 1.000,00 KM, odlučuje ministar Ministarstva.

Na obrazloženi prijedlog Ministarstva, zaključak o odobravanju dodjele sredstava u iznosu većem od 1.000,00 KM donosi Vlada Kantona.

Novčana pomoć po ovoj Uredbi može biti dodijeljena samo jednom kandidatu iz jednog porodičnog domaćinstva.

Na osnovu dostavljene obavijesti Ministarstva, općinska služba donosi rješenje o odobravanju pomoći, odbacivanju ili odbijanju zahtjeva.

O žalbi na rješenje općinske službe rješava Ministarstvo.

Svi nerealizovani podneseni zahtjevi koji ispunjavaju uvjete iz Uredbe za dodjelu sredstava, bit će prioritarno rješavani u narednoj budžetskoj godini.

Sredstva za stambeno zbrinjavanje pripadnika branilačke populacije, po posebnim zahtjevima proslijeđenim od općinske službe, koji nisu definirani ovom Uredbom a zahtijevaju hitno rješavanje, na prijedlog Komisije Ministarstva i uz posebno obrazloženje ministra Ministarstva, zaključkom odobrava Vlada Kantona.

U skladu sa stavom (1) ovog člana, izuzetno se može odobriti pomoć za sanaciju i adaptaciju stambenog objekta podnosioca zahtjeva.

Branilac i član njegove porodice, koji je povratnik u Republiku Srpsku ili ima status raseljenog lica, u svrhu osiguranja uvjeta za održivi povratak u mjesto u kojem je imalo prebivalište ili boravište prije početka agresije na Republiku Bosnu i Hercegovinu, može ostvariti pravo na jednokratnu dodjelu sredstava za stambeno zbrinjavanje, na način i u postupku propisanom ovom Uredbom za ostale branioce i članove njihovih porodica.

Pravo iz predhodnog stava nema lice koje je na području Kantona riješilo svoje stambeno pitanje.

Sa kandidatima kojima je odobrena pomoć, ministar Ministarstva zaključuje ugovore o dodjeli i implementaciji sredstava za trajno stambeno zbrinjavanje i isplati istih, kojim se konkretno regulišu prava i obaveze ugovornih strana po ovom pitanju.

O terminu potpisivanja ugovora kandidate obavještava općinska služba.

O doznačenim sredstvima za isplatu novčane pomoći općinska služba obavještava korisnike i istim vrši isplatu putem tekućih računa.

Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

DIO TREĆI - ZAVRŠNE ODREDBE

Sredstva za realizaciju prava branilaca i članova njihovih porodica po ovoj Uredbi, osiguravaju se u Budžetu Kantona u skladu sa prilivom sredstava.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

U realizaciji ove Uredbe Ministar može donijeti odgovarajuće instrukcije.

Nadzor nad provođenjem ove Uredbe ima Ministarstvo.

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Uredba o pomoći u rješavanju stambenog pitanja branilaca i članova njihovih porodica ("Službene novine Zeničko-dobojskog kantona" broj 19/07 i 2/13).

Svi slučajevi odnosno postupci koji do dana stupanja na snagu ove Uredbe nisu pravosnažno okončani, završit će se po odredbama propisa koji je bio na snazi u vrijeme podnošenja zahtjeva.

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Osma tačka dnevnog reda

Vlada je sa jednim „suzdržanim“ i sedam glasova „za“ uz predložene izmjene i dopune donijela

UREDBU O PREDNOSTI U ŠKOLOVANJU BRANILACA I ČLANOVA NJIHOVIH PORODICA

DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na prednost u redovnom školovanju branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Prednost u školovanju branilaca i članova njihovih porodica, u skladu sa ovom Uredbom, obuhvata sljedeća prava:

Prednost pri upisu u obrazovne ustanove i smještaju u đački i studentski dom;

Besplatan upis u novu školsku/studijsku godinu;

Besplatni obavezni udžbenici.

Pojmovi korišteni u Uredbi: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

Djetetom dobitnika ratnog priznanja ili odlikovanja/ratnog vojnog invalida/demobiliziranog branioca, u smislu ove Uredbe, smatra se dijete rođeno u braku/van braka, usvojeno dijete, kao i pastorce koje je sa istim živjelo u zajedničkom domaćinstvu najmanje posljednju godinu dana.

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

DIO DRUGI - PRAVA

POGLAVLJE I. UPIS U OBRAZOVNE USTANOVE I SMJEŠTAJ

Ratni vojni invalid, demobilizirani branilac, dijete šehida, poginulog, umrlog, nestalog branioca, dijete ratnog vojnog invalida i dijete demobiliziranog branioca, ima pravo prvenstva pri upisu na redovno školovanje i studij u obrazovnu ustanovu čiji je osnivač Kanton ili općina, odnosno smještaju u đачki i studentski dom na području Kantona.

U realizaciji prava iz stava (1) ovog člana, prednost u okviru branilačke kategorije kojoj pripada ima dobitnik ratnog priznanja ili odlikovanja, odnosno član porodice poginulog, umrlog, nestalog branioca - dobitnika ratnog priznanja ili odlikovanja.

Dobitnik ratnog priznanja ili odlikovanja, ratni vojni invalid, demobilizirani branilac, dijete šehida, poginulog, umrlog, nestalog branioca, dijete poginulog, umrlog, nestalog dobitnika ratnog priznanja ili odlikovanja, dijete ratnog vojnog invalida i dijete demobiliziranog branioca, ima pravo na besplatan upis na redovno školovanje i studij u novu školsku/studijsku godinu u srednjoškolskoj i visokoškolskoj ustanovi čiji je osnivač Kanton ili općina.

Pravo iz člana 5. koje se odnosi na smještaj u đачki i studentski dom i pravo iz člana 6. ove Uredbe, ne može ostvariti lice čiji ukupan prihod domaćinstva prelazi iznos prosječne neto plaće isplaćene u Federaciji BiH u prethodnoj godini prema podacima Federalnog zavoda za statistiku.

Obrazovne ustanove sa područja Kantona dužne su u svojim aktima kojim propisuju uvjete za upis redovnih učenika i studenata osigurati realizaciju prednosti branilaca i članova njihovih porodica iz članova 5. i 6 ove Uredbe, u roku od 30 dana od dana stupanja iste na snagu, o čemu izvještaj dostavljaju Vladi Kantona.

POGLAVLJE II. BESPLATNI UDŽBENICI

Odjeljak A. Uvjeti za ostvarivanje prava

Pravo na besplatne obavezne udžbenike za potrebe redovnog obrazovanja u osnovnim i srednjim školama na području Kantona, u skladu sa ovom Uredbom, mogu ostvariti djeca branilaca koji imaju prebivalište ili boravište na području Kantona u trajanju od najmanje 24 mjeseca, odnosno 6 mjeseci ukoliko imaju status povratnika i koji prava iz oblasti branilačko-invalidske zaštite ostvaruju u općinama Kantona, kao i povratnika u Republiku Srpsku, pod uvjetima iz člana 1. ove Uredbe.

Pravo iz stava (1) ovog člana ostvaruje se kroz novčanu pomoć u visini:

100,00 KM – za udžbenike osnovne škole;

150,00 KM – za udžbenike srednje škole.

Pravo na novčanu pomoć za nabavku udžbenika mogu ostvariti:

djeca dobitnika ratnog priznanja ili odlikovanja;

djeca umrlih ratnih vojnih invalida;

djeca umrlih demobiliziranih branilaca – učesnika rata;

djeca ratnih vojnih invalida – učesnika rata;

djeca demobiliziranih branilaca koji su u redovima Oružanih snaga proveli najmanje 24 mjeseca u periodu od 06.04.1992.godine do 23.12.1995.godine ili 12 mjeseci ako su u Oružane snage stupili kao maloljetna lica.

Pravo iz člana 9. ove Uredbe ne mogu ostvariti lica:

koja obnavljaju istu godinu školovanja;

čiji su članovi porodičnog domaćinstva vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;

čija primanja po članu porodičnog domaćinstva prelaze iznos od 200,00 KM.

Odjeljak B. Način ostvarivanja prava

Pravo na novčanu pomoć u svrhu nabavke udžbenika može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Zahtjev iz stava (1) ovog člana za djecu branilaca podnosi roditelj/staratelj, na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe

Po dostavljenoj instrukciji Ministarstva u tom smislu, općinska služba isticanjem na oglasnoj ploči objavljuje konkurs za dodjelu pomoći, kojim obavještava branioce i članove njihovih porodica o mogućnosti podnošenja zahtjeva iz člana 12. ove Uredbe.

Tekst konkursa Ministarstvo obavezno objavljuje na web stranici Kantona i dostavlja kantonalnim udruženjima branilaca i članova njihovih porodica.

Obavještenje o raspisanom konkursu općinska služba vrši i putem elektronskih i drugih medija sa područja općine.

Konkurs za dodjelu novčane pomoći sadrži podatke o:

iznosu jednokratne pomoći;

licima koja imaju pravo učešća na konkursu;

kandidatima čije prijave neće biti uzete u razmatranje;

kriterijima na osnovu kojih se vrši izbor kandidata;

dokazima koje kandidati prilažu uz prijavu na konkurs;

roku za prijavu na konkurs i organu kojem se ista podnosi.

Uz prijavu na konkurs kandidati prilažu sljedeću dokumentaciju:

ovjerena kopija đачke knjižice, odnosno svjedočanstvo iz prethodne godine;

ovjerena kućna lista;

uvjerenja o prihodima članova domaćinstva;

ovjerena kopija lične karte;

potvrda o statusu pripadnika branilačke populacije iz člana 3. Uredbe.

Općinska služba je dužna sačiniti listu prvenstva, bodovanjem kandidata uz primjenu slijedećih kriterija:

ostvaren uspjeh u prethodnoj školskoj godini;

socijalno-ekonomska situacija;

učešće u Oružanim snagama.

Odredbe stava (1) ovog člana ne primjenjuju se na djecu poginulih, umrlih, nestalih dobitnika ratnog priznanja ili odlikovanja; djecu umrlih ratnih vojnih invalida i djecu umrlih demobiliziranih branilaca, koji imaju prednost bez bodovanja kod dodjele novčane pomoći .

Odjeljak C. Kriteriji za izbor kandidata

Po osnovu ostvarenog uspjeha u prethodnoj školskoj godini, kandidatima pripadaju bodovi:

izvrstan	(prosjeck ocjena 5)	20 ;
odličan	(prosjeck ocjena iznad 4.5)	15;
vrlo dobar	(prosjeck ocjena od 3.5 – 4.5)	10;
dobar	(prosjeck ocjena od 2,5 – 3.5)	5;
dovoljan	(prosjeck ocjena do 2,5)	1;
učenici koji se ne ocjenjuju		10.

Po osnovu prihoda po članu domaćinstva kandidatima pripadaju bodovi:

bez prihoda	25;
do 25 KM	20;
od 26 – 50 KM	15;
od 51 – 100 KM	10.
od 101 – 150 KM	5.

Prihod u smislu ovog člana čine primanja koje članovi domaćinstva ostvaruju po osnovu plaća i drugih primanja iz radnog odnosa, starosne, invalidske i porodične penzije, privredne, uslužne i druge djelatnosti i dopunskog rada.

Prihodom se ne smatraju novčana primanja po osnovu branilačko-invalidske i socijalne zaštite, dodatak na djecu, stipendije i krediti učenika i studenata.

Dokazi o prihodima u smislu ove Uredbe su: uvjerenje pravnog lica o plaći zaposlenika, penzijski ček, izjava kandidata o prihodima svih članova sa kućne liste.

Za svaki puni mjesec ratnog staža jednog roditelja, kandidatu pripada po jedan bod.

Kandidatima - djeci ratnih vojnih invalida, pripadaju bodovi po osnovu stepena invaliditeta roditelja:

I grupa	20;
II grupa	18;
III grupa	16;
IV grupa	14;
V grupa	12;
VI grupa	10;
VII grupa	8;
VIII grupa	6;
IX grupa	4;
X grupa	2.

Odjeljak D. Donošenje odluke o izboru

Općinska služba rješenjem formira tročlanu komisiju (u daljnjem tekstu: Komisija) koja vrši bodovanje prijavljenih kandidata i izradu preliminarne liste.

Preliminarnu listu općinska služba ističe na oglasnoj ploči, te dostavlja općinskim udruženjima branilaca i članova njihovih porodica.

Nezadovoljni kandidati imaju pravo podnošenja zahtjeva za preispitivanje preliminarne liste, koji mora bit obrazložen i utemeljen na dokazima koji potvrđuju tačnost iznesenih navoda.

Zahtjev iz stava (1) ovog člana podnosi se općinskoj službi najkasnije u roku od osam dana od dana isticanja liste.

Nakon razmatranja podnesenih zahtjeva za preispitivanje liste i dostavljanja odgovora podnosiocima istih, Komisija sačinjava konačnu listu prvenstva kandidata za dodjelu novčane pomoći, pri čemu je broj kandidata kojima će novčana pomoć biti dodijeljena u zavisnosti od visine utvrđenih budžetskih sredstava opredijeljenih za tu općinu.

Općinska služba dostavlja konačnu listu Ministarstvu.

Na osnovu evidencije o procentualnom učešću pripadnika branilačke populacije po općinama u odnosu na njihov ukupan broj u Kantonu i u skladu sa programom utroška sredstava za tekuću budžetsku godinu, Ministarstvo vrši raspodjelu sredstava na općine Kantona.

U slučajevima većeg planiranog iznosa sredstava za određene općine od broja kandidata koji ispunjavaju uvjete za dodjelu pomoći, ministar Ministarstva može izvršiti preraspodjelu istih sredstava na ostale općine.

Na osnovu dostavljene konačne liste i u skladu sa odredbama stava (1) i (2) ovog člana, ministar Ministarstva donosi odluku o izboru kandidata za dodjelu novčane pomoći, koju u narednom roku od tri dana Ministarstvo dostavlja općinskim službama.

Po prijemu odluke iz stava (3) ovog člana, općinske službe su obavezne dostaviti pismenu obavijest kandidatima koji nisu ostvarili pravo na dodjelu sredstava za kupovinu udžbenika.

U slučajevima izuzetno teške socijalno-ekonomske situacije, na posebno obrazloženi prijedlog općinske službe u tom smislu, ministar Ministarstva može odlučiti o dodjeli novčane pomoći kandidatu koji nije ostvario dovoljno bodova za izbor po konkursu.

Novčana pomoć može biti dodijeljena samo jednom kandidatu iz jednog porodičnog domaćinstva, odnosno za dva kandidata u slučajevima iz člana 16. stav (2) ove Uredbe.

O doznačenim sredstvima za isplatu novčane pomoći općinska služba obavještava korisnike putem medija i istim vrši isplatu putem tekućih računa.

Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

DIO TREĆI - ZAVRŠNE ODREDBE

Sredstva za realizaciju prava branilaca i članova njihovih porodica po ovoj Uredbi, osiguravaju se u Budžetu Kantona u skladu sa prilivom sredstava.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po obrascima koje propisuje ministar Ministarstva u roku od osam dana od dana stupanja na snagu ove Uredbe.

U realizaciji ove Uredbe, ministar Ministarstva može donijeti odgovarajuće instrukcije.

Nadzor nad provođenjem ove Uredbe ima Ministarstvo.

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Uredba o prednosti u školovanju branilaca i članova njihovih porodica ("Službene novine Zeničko-dobojskog kantona" broj 12/07 i 6/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Deveta tačka dnevnog reda

Vlada je sa jednim glasom „protiv“ jednim „suzdržanim“ i šest glasova „za“ uz predložene izmjene i dopune donijela

UREDBU O STIPENDIRANJU REDOVNOG STUDIJA BRANILACA I ČLANOVA NJIHOVIH PORODICA

DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na dodjelu stipendija studentima - braniocima i članovima njihovih porodica, koji su srednje obrazovanje stekli u školama na području Bosne i Hercegovine, za redovni studij na visokoškolskim ustanovama.

Redovni studij na visokoškolskim ustanovama u smislu ove Uredbe obuhvata redovni i samofinansirajući studij prvog i drugog ciklusa Bolonjskog sistema studiranja.

Pravo na dodjelu stipendije po ovoj Uredbi mogu ostvariti:

dobitnici ratnih priznanja ili odlikovanja;

ratni vojni invalidi;

demobilizirani branioци koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;

članovi porodice šehida, poginulih, umrlih i nestalih branilaca i umrlih ratnih vojnih invalida;

članovi uže porodice poginulih, umrlih ili nestalih dobitnika ratnog priznanja ili odlikovanja;

djeca dobitnika ratnih priznanja ili odlikovanja - do navršene 30. godine života;

djeca ratnih vojnih invalida - do navršene 30. godine života;

djeca demobiliziranih branilaca koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu - do navršene 30. godine života.

Prava po ovoj Uredbi može koristiti i:

dijete šehida, poginulog, umrlog, nestalog branioca, kojem je prestalo pravo na porodičnu invalidninu - do navršene 35. godine života;

dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) ovog člana, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu - do navršene 30. godine života;

dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti - do navršene 30. godine života.

Pojmovi korišteni u Uredbi: dobitnik ratnog priznanja ili odlikovanja, ratni vojni invalid, demobilizirani branilac, učesnik rata, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

Djetetom dobitnika ratnog priznanja ili odlikovanja/ratnog vojnog invalida/demobiliziranog branioca, u smislu ove Uredbe, smatra se dijete rođeno u braku/van braka, usvojeno dijete, kao i pastorko koje je sa istim živjelo u zajedničkom domaćinstvu najmanje posljednju godinu dana.

U postupku ostvarivanja prava po ovoj Uredbi, branioци i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili

umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Visina stipendije određuje se u sljedećim iznosima:

za prvu godinu I ciklusa studija	800 KM;
za drugu i ostale godine studija	1200 KM.

Isplata stipendija se vrši u osam jednakih mjesečnih rata koje iznose:

za prvu godinu I ciklusa studija	100 KM;
za drugu i ostale godine studija	150 KM.

DIO DRUGI - NAČIN OSTVARIVANJA PRAVA POGLAVLJE I. UVJETI ZA DODJELU STIPENDIJE

Pravo na dodjelu stipendije, lica iz člana 3. i 4. ove Uredbe mogu ostvariti pod uvjetom da:

imaju prebivalište na području Kantona u trajanju od najmanje dvije godine neprekidno, osim povratnika u Republiku Srpsku;

prava iz oblasti branilačko-invalidske zaštite ostvaruju u općinama Kantona;

oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;

prihod po članu domaćinstva istih ne prelazi iznos od 80% prosječne neto plaće isplaćene u Kantonu u prethodnoj godini;

Odredba stava (1) tačka d) ovog člana ne odnosi se na kandidate iz člana 3. tačka d) i e) ove Uredbe.

Lica iz člana 3. tačke d), e), f), g) i h) i člana 4. ove Uredbe, pravo na dodjelu stipendije mogu ostvariti za studij na visokoškolskoj ustanovi koji su upisali do navršene 25. godine života.

Pravo na dodjelu stipendije po ovoj Uredbi ne mogu ostvariti studenti koji:

imaju status apsolventa;

u tekućoj studijskoj godini na istom ili drugom fakultetu ponovno upisuju istu godinu studija;

su na vanrednom studiju;

primaju kredit ili stipendiju drugog davaoca.

POGLAVLJE II. POSTUPAK DODJELE STIPENDIJE

Odjeljak A. Konkurs

Stipendije se dodjeljuju kandidatima izabranim po osnovu rezultata konkursa, kojeg za svaku studijsku godinu raspisuje Ministarstvo za boračka pitanja Zeničko-dobojskog kantona (u daljnjem tekstu: Ministarstvo).

Objavljivanje konkursa se vrši u jednom od dnevnih listova koji se distribuiraju na cijelom teritoriju Bosne i Hercegovine, nakon čega tekst konkursa Ministarstvo objavljuje na web stranici Kantona i dostavlja kantonalnim udruženjima branilaca i članova njihovih porodica.

Po dostavljenoj obavijesti Ministarstva u tom smislu, općinska služba isticanjem na oglasnoj ploči, putem web stranice općine i lokalnih sredstava informisanja obavještava zainteresovane kandidate o objavljenom konkursu za dodjelu stipendija i mogućnosti podnošenja prijave na isti.

Konkurs za dodjelu stipendija sadrži podatke o:

ukupnom iznosu sredstava namijenjenom stipendiranju;
visini stipendija i broju mjesečnih rata u kojima se vrši isplata;
licima koja imaju pravo učešća na konkursu;
kandidatima čije prijave neće biti uzete u razmatranje;
kriterijima na osnovu kojih se vrši izbor kandidata;
dokazima koje kandidati prilažu uz prijavu na konkurs;
roku za prijavu na konkurs i organu kojem se ista podnosi.

Odjeljak B. Prijava na konkurs

Prijavu na konkurs sa potrebnom dokumentacijom kandidat podnosi općinskoj službi nadležnoj za poslove branilačko-invalidske zaštite u općini u kojoj ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Prijavu iz stava (1) ovog člana kandidat podnosi u vidu zahtjeva za dodjelu stipendije, na posebnom obrascu kojeg propisuje ministar Ministarstva u roku od osam dana od dana stupanja na snagu ove Uredbe.

Uz prijavu na konkurs kandidat prilaže sljedeću dokumentaciju:

ovjerenu fotokopiju lične karte;
dokaz o statusu branioca i člana njegove porodice;
uvjerenje o prebivalištu;
potvrdu o redovnom studiju;
dokaz o ostvarenom uspjehu u prethodno završenoj školskoj/studijskoj godini (ovjerena kopija svjedočanstva/uvjerenje o ostvarenom prosjeku ocjena u predhodnoj studijskoj godini);
ovjerenu kućnu listu;
uvjerenje ili drugi dokaz o prosječnom prihodu za posljednja tri mjeseca, za svakog punoljetnog člana domaćinstva sa kućne liste;
izjavu da ne prima stipendiju po drugom osnovu.

POGLAVLJE III. KRITERIJI ZA IZBOR KANDIDATA

Izbor kandidata za dodjelu stipendije vrši se na osnovu bodova ostvarenih primjenom kriterija utvrđenih ovom Uredbom.

Izuzetno od odredbe člana 15. ove Uredbe, pravo na dodjelu stipendije bez bodovanja imaju:

kandidati iz člana 3. tačka a) do tačke e) i člana 4. ove Uredbe;
djeca ratnih vojnih invalida sa procentom invaliditeta 70% i više;
kandidati sa procentom invaliditeta 70% i više.

Stipendija može biti dodijeljena samo jednom kandidatu iz jednog porodičnog domaćinstva.

Odredba stava (1) ovog člana ne odnosi se na kandidate - djecu šehida, poginulih, umrlih i nestalih branilaca; poginulih, umrlih ili nestalih dobitnika ratnog priznanja ili odlikovanja; umrlih ratnih vojnih invalida i umrlih demobiliziranih branilaca.

Bodovanje kandidata za dodjelu stipendije vrši se primjenom sljedećih kriterija:

- a) ostvaren uspjeh u prethodno završenoj školskoj/studijskoj godini;
- b) socijalno-ekonomska situacija;
- c) ratna priznanja, ratni staž i invaliditet.

Kriterij iz stava (1) tačka c) ovog člana, odnosi se na roditelja po osnovu čijeg učešća u Oružanim snagama kandidat ostvaruje pravo učešća na konkursu.

Po osnovu ostvarenog uspjeha (prosjeaka ocjena) u prethodnoj školskoj/studijskoj godini, kandidat ostvaruje bodove:

za studente prve godine:

izvrstan	(prosjeck ocjena 5)	7 bodova
odličan	(prosjeck ocjena iznad 4.5)	5 bodova
vrlo dobar	(prosjeck ocjena od 3.5 – 4.5)	3 boda
dobar	(prosjeck ocjena od 2.5 – 3.4)	1 bod.

za studente druge i ostalih godina:

izvrstan	(prosjeck ocjena 5 odnosno iznad 9.5)	10 bodova
odličan	(prosjeck ocjena od 4.5 odnosno od 8.5 - 9.5)	7 bodova
vrlo dobar	(prosjeck ocjena od 3.5 – 4.4 odnosno od 7.5 - 8.4)	5 bodova
dobar	(prosjeck ocjena od 2.5 – 3.4 odnosno od 6.5 - 7.4)	2 boda.

Po osnovu socijalno-ekonomske situacije, kandidatu pripadaju bodovi:

po članu porodičnog domaćinstva	1 bod
po članu porodičnog domaćinstva sa invaliditetom, utvrđenog rješenjem nadležne institucije	2 boda
po osnovu dva i više redovna studenata - za dodjelu stipendije iz jednog domaćinstva	10 bodova
za svakog narednog člana porodičnog domaćinstva - redovnog studenta	10 bodova

po osnovu prihoda po članu domaćinstva:

do 50 KM	20 bodova
od 51 – 100 KM	15 bodova
od 101 – 150 KM	10 bodova
od 151 – 200 KM	5 bodova
od 201 – 300 KM	2 boda.

Ukupan prihod čine prihodi koje članovi domaćinstva ostvaruju po osnovu: plaća iz radnog odnosa; starosne, invalidske i porodične penzije; druge djelatnosti i dopunskog rada.

Prihodom se ne smatra: novčana naknada po osnovu invaliditeta za tjelesno oštećenje; novčana naknada za nezaposlene; novčana naknada za pomoć i njegu drugog lica; dodatak na djecu, stipendije i krediti učenika i studenata.

Dokazi o prihodima u smislu ove Uredbe su: uvjerenje pravnog lica o plaći zaposlenika, penzijski ček, izjava kandidata o prihodima svih članova sa kućne liste.

Kandidatu čiji je roditelj dobitnik ratnog priznanja ili odlikovanja pripadaju slijedeći bodovi:

ratno priznanje Red hrvatskog pletera	2 boda
ratna priznanja ili odlikovanja Srebrena policijska zvijezda i Srebreni štit	10 bodova
značka Zlatni ljiljan, Red hrvatskog trolista, i ostala ratna priznanja ili odlikovanja	20 bodova.

Za svaki puni mjesec ratnog staža jednog roditelja, kandidatu pripada po jedan bod a za drugog roditelja pola boda.

Kandidatima - djeci ratnih vojnih invalida, pripadaju bodovi po osnovu stepena invaliditeta roditelja:

VI grupa	10 bodova
VII grupa	8 bodova
VIII grupa	6 bodova
IX grupa	4 boda
X grupa	2 boda.

POGLAVLJE IV. DONOŠENJE ODLUKE

Općinska služba u postupku po zahtjevu:

pribavlja podatke o dodijeljenim stipendijama drugih davalaca, a u cilju eliminisanja iz postupka kandidata koji već ostvaruju stipendiju za studij po drugom osnovu;

vrši bodovanje prijavljenih kandidata koji ispunjavaju uvjete za dodjelu stipendije i sačinjava preliminarnu listu prvenstva.

Preliminarnu listu općinska služba ističe na oglasnoj ploči i web stranici općine, te dostavlja općinskim udruženjima branilaca i članova njihovih porodica.

Rješenje o odbacivanju neurednih zahtjeva, odnosno odbijanju zahtjeva kandidata koji ne ispunjavaju uvjete za dodjelu stipendije općinska služba donosi u skraćenom postupku na osnovu člana 139. stav 1. i 2. Zakona o upravnom postupku ("Službene novine Federacije Bosne i Hercegovine" broj 2/98 i 48/99).

Nezadovoljni kandidati imaju pravo podnošenja zahtjeva za preispitivanje Preliminarne liste, koji mora bit obrazložen i utemeljen na dokazima koji potvrđuju tačnost iznesenih navoda.

Zahtjev iz stava (1) ovog člana podnosi se općinskoj službi najkasnije u roku od osam dana od dana isticanja liste.

Općinska služba je obavezna podnosioca zahtjeva pismeno obavijestiti o stavu po podnesenom zahtjevu.

Nakon razmatranja podnesenih zahtjeva, općinska služba sačinjava konačnu listu prvenstva kandidata za dodjelu stipendija, pri čemu je broj studenata kojima će stipendija biti dodijeljena u zavisnosti od visine utvrđenih budžetskih sredstava opredijeljenih za tu općinu.

Iznos opredijeljenih budžetskih sredstava po općinama određuje se na osnovu procentualnog učešća pripadnika branilačke populacije u odnosu na njihov ukupan broj u Kantonu.

Općinska služba ističe konačnu listu na oglasnoj ploči.

Na osnovu konačne liste i obavijesti Ministarstva, općinska služba donosi rješenja o dodjeli stipendija izabranim kandidatima, u skladu sa članom 211. Zakona o upravnom postupku.

Kandidatima koji nisu ostvarili dovoljan broj bodova za dodjelu stipendije u skladu sa konačnom listom općinska služba izdaje rješenja o odbijanju zahtjeva u skraćenom postupku na osnovu člana 139. stav 1. i 2. Zakona o upravnom postupku.

O žalbi na rješenje općinske službe rješava Ministarstvo.

Isplata stipendija se vrši putem općinskih službi, po dostavljenoj odluci ministra Ministarstva o broju stipendija i iznosu doznačenih sredstava za svaku općinu.

O doznačenim sredstvima za isplatu stipendija općinska služba obavještava korisnike putem medija i istim vrši isplatu putem tekućih računa.

DIO TREĆI - ZAVRŠNE ODREDBE

Sredstva za stipendiranje studenata – branilaca i članova njihovih porodica, osiguravaju se u Budžetu Kantona, u visini od najmanje 10% ukupnih budžetskih sredstava Ministarstva za boračka pitanja, a u skladu sa prilivom sredstava.

Općinska služba je dužna Ministarstvu dostaviti pravdanje isplaćenih sredstava stipendija u roku od 15 dana po izvršenoj isplati.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja Uredbe na snagu.

U realizaciji ove Uredbe, ministar Ministarstva može donijeti odgovarajuće instrukcije.

Nadzor nad provođenjem Uredbe ima Ministarstvo.

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Uredba o stipendiranju branilaca i članova njihovih porodica ("Službene novine Zeničko-dobojskog kantona" broj 2/09 i 5/13).

Svi slučajevi odnosno postupci koji do dana stupanja na snagu ove Uredbe nisu pravosnažno okončani, završit će se po odredbama propisa koji je bio na snazi u vrijeme podnošenja zahtjeva.

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

10. tačka dnevnog reda

Vlada je sa jednim „suzdržanim“ i sedam glasova „za“ uz predložene izmjene i dopune donijela

UREDBU O DODJELI KREDITA ZA ZAPOSŁJAVANJE BRANILACA I ČLANOVA NJIHOVIH PORODICA DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na dodjelu kreditnih sredstava u svrhu trajnog zapošljavanja branilaca i članova njihovih porodica, koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Pravo na dodjelu kreditnih sredstava po ovoj Uredbi mogu ostvariti:

dobitnici ratnih priznanja ili odlikovanja;

ratni vojni invalidi;

demobilizirani branioci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca;

članovi porodice šehida, poginulih, umrlih i nestalih branilaca i umrlih ratnih vojnih invalida;

članovi uže porodice poginulih, umrlih ili nestalih dobitnika ratnog priznanja ili odlikovanja.

Prava po ovoj Uredbi može koristiti i:

dijete šehida, poginulog, umrlog, nestalog branioca, kojem je prestalo pravo na porodičnu invalidninu, do navršene 35. godine života;

dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) ovog člana, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu, do navršene 30. godine života;

dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti, do navršene 30. godine života;

udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;

roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Pravo na dodjelu kreditnih sredstava, lica iz člana 2. i 3. ove Uredbe mogu ostvariti pod uvjetom da:

imaju prebivalište na području Kantona u trajanju od najmanje dvije godine neprekidno, osim povratnika u Republiku Srpsku;
prava iz oblasti branilačko-invalidske zaštite ostvaruju u općinama Kantona;
nisu u radnom odnosu;
oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;
nisu korisnici kredita za zapošljavanje ostvarenog po drugom osnovu iz sredstava budžeta Kantona;
nisu korisnici kredita i drugih sredstava za podsticaj zapošljavanja ostvarenog putem Službe za zapošljavanje.

Pojmovi korišteni u Uredbi: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

Djetetom dobitnika ratnog priznanja ili odlikovanja/ratnog vojnog invalida/demobiliziranog branioca, u smislu ove Uredbe, smatra se dijete rođeno u braku/van braka, usvojeno dijete, kao i pastorče koje je sa istim živjelo u zajedničkom domaćinstvu najmanje posljednju godinu dana.

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Kreditna sredstva po ovoj Uredbi se mogu odobriti u maksimalnom iznosu do 30.000,00 KM.

Kredit se dodjeljuje pod slijedećim uvjetima:

rok otplate do 10 godina;
grace period do 24 mjeseca;
kamatna stopa 3% godišnje;
zatezna kamata 3% godišnje;
instrumente osiguranja vraćanja kredita određuje izabrana banka, u skladu sa pravilima struke.

Braninci i članovi njihovih porodica mogu samo jednom koristiti sredstva iz ove kreditne linije.

Izuzetno od odredbi stava (1) ovog člana, kreditna sredstva mogu biti odobrena i drugi put braniocima i članovima njihovih porodica koji su uredno i u roku izvršili obaveze i povrat sredstava iz prethodno odobrenog kredita i pod uvjetom da će sredstva po novom kreditu upotrijebiti za zapošljavanje nezaposlenih branilaca i članova njihovih porodica iz člana 2. i 3. ove Uredbe.

DIO DRUGI - POSTUPAK DODJELE KREDITA

Pravo na dodjelu kredita po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Uz zahtjev za dodjelu kredita kandidati prilažu sljedeću dokumentaciju:

dokaz o statusu branioca i člana porodice branioca;
fotokopiju lične karte;
uvjerenje o prebivalištu;
uvjerenje Službe za zapošljavanje o statusu nezaposlenog lica;
investicioni program za obavljanje djelatnosti - biznis plan;
dokaz o riješenim imovinsko-pravnim odnosima za zemljište i ostale nekretnine koje u realizaciji programa namjeravaju koristiti;
uvjerenje Porezne uprave.

U postupku po zahtjevu općinska služba je dužna u narednom roku od petnaest dana:

utvrditi kompletnost podnesene dokumentacije i zahtijevati otklanjanje uočenih nedostataka i eventualnu dopunu dokumentacije;
u slučaju potrebe izvršiti neposredan uviđaj u stvarima iz zahtjeva;
sačiniti prijedlog o odobravanju ili neodobravanju kredita i isti sa kompletnom dokumentacijom dostaviti Ministarstvu.

Podnesene zahtjeve za dodjelu kreditnih sredstava po ovoj Uredbi razmatra komisija Ministarstva za dodjelu kredita (u daljnjem tekstu: Komisija), koju rješenjem imenuje ministar Ministarstva u roku od osam dana od stupanja na snagu ove Uredbe.

O radu Komisije vodi se zapisnik.

Zadatak Komisije je da po svakom podnesenom zahtjevu :

razmotri podnesenu dokumentaciju;
u slučaju potrebe izvrši neposredan uviđaj u stvarima iz zahtjeva;
izvrši ocjenu realnosti i ostvarivosti ponuđenog programa;
sačini obrazloženi prijedlog o odobravanju podnesenog zahtjeva za dodjelu kredita ili odbijanju kredita i isti dostavi ministru Ministarstva.

Na zahtjev Komisije kandidati su dužni dostaviti na uvid i drugu dokumentaciju od značaja za donošenje odluke o dodjeli kredita.

U slučaju većeg broja prijedloga za odobravanje kredita, Komisija će sačiniti listu prioriteta na osnovu procjene kvaliteta ponuđenog investicionog programa.

Na prijedlog Komisije i u skladu sa ovom Uredbom, o dodjeli kredita za zapošljavanje odlučuje ministar Ministarstva, koji istovremeno utvrđuje dinamiku i broj odobrenih kredita u skladu sa raspoloživim budžetskim sredstvima namjenjenim za ovu svrhu.

Ministarstvo dostavlja općinskim službama obavijest o stavu po zaprimljenim prijedlozima, uz povrat kompletne dokumentacije.

U slučajevima kada korisnik kredita zbog opravdanih razloga nije u mogućnosti vršiti redovnu otplatu kredita, može se odobriti reprogramiranje postojećeg kredita.

Reprogram kredita može biti odobren jednom u periodu trajanja kreditnog odnosa, na period od najduže osam godina.

Zahtjev za reprogram kredita korisnik podnosi Ministarstvu, sa dokazima iz kojih su vidljivi razlozi nemogućnosti redovnog sevisiranja kreditnih obaveza.

Na prijedlog Komisije, odluku o odobravanju reprogramiranja kredita donosi ministar Ministarstva.

Odluka iz stava (4) ovog člana dostavlja se na realizaciju izabranoj banci.

U opravdanim slučajevima kada korisnik kredita ili njegov nasljednik nije u mogućnosti da redovno servisira vraćanje kredita (smrt ili teško oboljenje korisnika kredita, uništenje imovine usljed više sile i u drugim vanrednim situacijama kada nije moguće naplatiti kredit a da se korisnik ne dovede u izuzetno tešku egzistencijalnu situaciju), kao i u slučajevima kada izabrana banka obavijesti Ministarstvo o nemogućnosti naplate potraživanja, Vlada Kantona, na prijedlog ministra Ministarstva, može donijeti zaključak o djelomičnom ili otpisu u cjelini ostatka duga po kreditu.

Na osnovu dostavljene obavijesti Ministarstva, općinska služba donosi rješenje o odobravanju kredita, odbijanju ili odbacivanju zahtjeva.

O žalbi na rješenje općinske službe rješava Ministarstvo.

Po isteku grace perioda predviđenog ovom Uredbom, Ministarstvo dostavlja obavijest Službi za zapošljavanje o korisnicima kredita, u cilju njihovog brisanja sa evidencije nezaposlenih lica.

Kreditu se realizuju putem izabrane banke, sa kojom ugovor zaključuje ministar Ministarstva.

Ugovorom iz stava (1) ovog člana utvrdit će se obaveza izabrane banke o dostavljanju Ministarstvu mjesečnih izvještaja o odobrenim i realiziranim kreditima.

DIO TREĆI - ZAVRŠNE ODREDBE

Sredstva za dodjelu kredita za zapošljavanje branilaca i članova njihovih porodica osiguravaju se u Budžetu Kantona u skladu sa prilivima sredstava.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

U realizaciji ove Uredbe ministar Ministarstva može donijeti odgovarajuće instrukcije.

Nadzor nad provođenjem ove Uredbe ima Ministarstvo.

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Odredbe člana 16. i 17. ove Uredbe odnose se i na dospjele a neizvršene kreditne obaveze po osnovu kredita namijenjenih zapošljavanju branilaca i članova njihovih porodica, dodijeljnih od strane Ministarstva u periodu primjene prethodnih akata na osnovu kojih je vršena dodjela kredita u ovu svrhu.

Danom stupanja na snagu ove Uredbe prestaje važiti Uredba o dodjeli kredita za zapošljavanje branilaca i članova njihovih porodica ("Službene novine Zeničko-dobojskog kantona" broj 3/08 i 2/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

11. tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

UREDBU O NAKNADI TROŠKOVA DŽENAZE/SAHRANE BRANILACA I ČLANOVA NJIHOVIH PORODICA

DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na naknadu troškova dženaze/sahrane branilaca i članova njihovih porodica sa prebivalištem na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Naknada troškova dženaze/sahrane po ovoj Uredbi, osigurava se u slučaju smrti:

dobitnika ratnog priznanja ili odlikovanja;

nosioca "Partizanske spomenice 1941";

ratnog vojnog invalida;

demobiliziranog branioca;

člana porodice šehida, poginulog, umrlog i nestalog branioca;

člana uže porodice poginulog, umrlog i nestalog dobitnika ratnog priznanja ili odlikovanja.

Naknada troškova dženaze/sahrane za lica iz stava (1) tačke e) i f) ovog člana, odobrava se pod uvjetom da su isti prije smrti bili sa prebivalištem na području Kantona u trajanju od najmanje dvije godine neprekidno.

Novčanu pomoć u svrhu naknade troškova dženaz/sahrane po ovoj Uredbi mogu ostvariti:

za lica iz člana 2. stav (1) od tačke a) do tačke d) - članovi porodice sa kojima je umrli živio u zajedničkom domaćinstvu u vrijeme smrti ili drugo lice koje vlastitim sredstvima sahrani umrlog;

za lica iz člana 2. stav (1) tačke e) i f) - član porodice ili drugo lice koje vlastitim sredstvima sahrani umrlog.

Pojmovi iz ove Uredbe: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

U postupku ostvarivanja prava po ovoj Uredbi, status branilaca i članova njihovih porodica dokazuje se rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; te uvjerenjem nadležnog organa o učešću u Oružanim snagama za demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

DIO DRUGI - POSTUPAK DODJELE POMOĆI

Naknada troškova dženaze/sahrane po ovoj Uredbi, odobrava se u visini:

za lica iz člana 2. stav (1) tačke a) i b) - u visini jedne i pol prosječne neto plaće isplaćene u Federaciji Bosne i Hercegovine u prethodnoj godini;

za lica iz člana 2. stav (1) tačke c) i d) - u visini prosječne neto plaće isplaćene u Federaciji Bosne i Hercegovine u prethodnoj godini;

za lica iz člana 2. stav (1) tačke e) i f) - u iznosu jedne polovine prosječne neto plaće isplaćene u Federaciji Bosne i Hercegovine u prethodnoj godini.

Izuzetno, pomoć iz stava (1) tačka c) ovog člana se može odobriti i u većem iznosu, ukoliko se član porodice koji sahranjuje umrlog nalazi u teškoj socijalno-ekonomskoj situaciji.

Iznos neto plaće iz stava (1) ovog člana utvrđuje se prema podacima Zavoda za statistiku Federacije Bosne i Hercegovine.

U slučaju smrti dobitnika ratnog priznanja "Zlatni ljiljan" i "Red hrvatskog trolista" i nosioca "Partizanske spomenice 1941", ukop/sahranu uz državne počasti organizuje općinska služba, u saradnji sa kantonalnim udruženjem dobitnika ratnih priznanja i odlikovanja.

U slučaju da je ukop/sahrana lica iz stava (1) ovog člana izvršena u organizaciji i sredstvima kantonalnog udruženja, istom se može odobriti naknada utrošenih sredstava najviše do iznosa 2.500,00 KM.

Pravo na novčanu pomoć u svrhu naknade troškova dženaze/sahrane lica iz člana 2. stav (1) ove Uredbe, može biti ostvareno samo po jednom osnovu iz Uredbe.

Ukoliko je naknada troškova iz stava (1) ovog člana ostvarena po odredbama federalnog zakona ili drugog propisa ili na drugi način, ne može biti odobrena po osnovu ove Uredbe.

Pravo na novčanu pomoć po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini na području koje je umrli imao prebivalište odnosno boravište, odnosno u kojoj je ostvarivao prava iz branilačko-invalidske zaštite ili u kojoj se nalazio na evidenciji nadležnog organa za vojne poslove (u daljnjem tekstu: općinska služba).

Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Izuzetno od odredbe stava (1) ovog člana, u slučajevima iz člana 7. stav (2) ove Uredbe, obrazloženi zahtjev za naknadu troškova ukopa/sahrane, kantonalno udruženje podnosi Ministarstvu.

Uz zahtjev za naknadu troškova dženaze/sahrane po ovoj Uredbi, podnosilac prilaže slijedeće dokumente:

- smrtni list i dokaz o statusu branioca/člana porodice branioca za umrlo lice;
- dokaz o srodstvu sa umrlim braniocem/članom porodice branioca (za članove porodice);
- uvjerenje o prebivalištu umrlog lica na području Kantona;
- dokaz o troškovima dženaze/sahrane (računi prijevoza i prijenosa, opremanja i ukopa umrlog i dr.);
- dokaz o utrošku vlastitih sredstava u istu svrhu (ovjerena izjava i dr.);
- izjavu da pomoć u ovu svrhu ne može ostvariti po osnovu drugog propisa ili na drugi način.

Ukoliko se zahtjevom traži odobrenje većeg iznosa naknade od iznosa utvrđenog članom 6. stav (1) tačka c) Uredbe, podnosilac zahtjeva je dužan priložiti dokaze o teškoj socijalno-ekonomskoj situaciji u kojoj se nalazi (ovjerena kućna lista, uvjerenja o nezaposlenosti, potvrde o primanjima i sl.).

Odluku o dodjeli sredstava po zahtjevu kantonalnog udruženja iz člana 9. stav (3) ove Uredbe, donosi ministar Ministarstva.

U postupku po zaprimljenom zahtjevu za novčanu pomoć po Uredbi, općinska služba je dužna isti razmotriti, izvršiti potrebne provjere podnesene dokumentacije i donijeti rješenje o priznavanju prava ili odbijanju zahtjeva.

Po žalbama na rješenje iz stava (1) ovog člana rješava Ministarstvo.

Rješenje o priznavanju prava i odobravanju sredstava općinska služba dostavlja Ministarstvu, u roku od osam dana od dana prijema zahtjeva.

Na osnovu odluke ministra Ministarstva, općinska služba vrši isplatu odobrenih sredstava po rješenjima.

DIO TREĆI - ZAVRŠNE ODREDBE

Sredstva za realizaciju prava po ovoj Uredbi osiguravaju se u Budžetu Kantona u skladu sa prilivima sredstava.

Isplatu sredstava odobrenih po zahtjevu kantonalnog udruženja iz člana 9. stav (3) Uredbe, vrši Ministarstvo, uplatom na žiro račun udruženja.

O doznačenim sredstvima za isplatu novčane pomoći općinska služba obavještava korisnike i istim vrši isplatu putem tekućih odnosno žiro računa.

Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Odluka o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 19/07, 6/10 i 2/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

12. tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

UREDBU O NAKNADI TROŠKOVA PODIZANJA NIŠANA/NADGROBNOG SPOMENIKA DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na naknadu troškova podizanja nišana/nadgrobnog spomenika pripadniku Oružanih snaga Republike Bosne i Hercegovine, koji je poginuo ili umro kao učesnik u odbrani Bosne i Hercegovine u proteklom odbrambeno-oslobodilačkom ratu, a koji je sahranjen:

na području Zeničko-dobojskog kantona (u daljnjem tekstu: Kanton);

na području Republike Srpske, ukoliko je početkom agresije na Bosnu i Hercegovinu imao prebivalište na području Kantona.

Naknadu troškova po ovoj Uredbi može ostvariti član porodice ili drugo lice koje je vlastitim sredstvima izvršilo podizanje nišana - nadgrobnog spomenika šehidu/poginulom braniocu iz člana 1. ove Uredbe.

Pojam šehid/poginuli branilac korišten u ovoj Uredbi, označava lice koje je poginulo ili umrlo, pod uvjetima i okolnostima utvrđenim članom 2. i 3. Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10), odnosno umrlo do 23.12.1996. godine od posljedica rane, povrede ili bolesti zadobijene pod uvjetima i okolnostima iz člana 3. istog Zakona.

Kao dokaz o statusu šehida/poginulog branioca u smislu ove Uredbe koristi se uvjerenje nadležnog federalnog ministarstva o svojstvu (pripadnosti), načinu i okolnostima stradanja pripadnika Oružanih snaga RBiH.

Naknada troškova po ovoj Uredbi odobrava se u visini jedne i po prosječne neto plaće isplaćene u Federaciji Bosne i Hercegovine u prethodnoj godini, prema podacima Zavoda za statistiku Federacije Bosne i Hercegovine.

DIO DRUGI - POSTUPAK OSTVARIVANJA PRAVA

Zahtjev za naknadu troškova podizanja nišana/nadgrobnog spomenika zainteresovano lice podnosi općinskoj službi nadležnoj za poslove branilačko-invalidske zaštite na području kojeg je izvršeno

podizanje nišana/nadgrobnog spomenika ili na kojem je šehid/poginuli branilac imao prebivalište na početku agresije na Bosnu i Hercegovinu (u daljnjem tekstu: općinska služba).

Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Uz zahtjev za naknadu troškova po ovoj Uredbi, podnosilac prilaže slijedeće dokumente:

smrtni list i dokaz o statusu šehida/poginulog branioca za lice kojem je nišan/nadgrobnik spomenik podignut;

dokaz o srodstvu sa šehidom/poginulim braniocem;

uvjerenje o prebivalištu umrlog lica na području Kantona;

ovjerenu izjavu roditelja, udovice i djece šehida/poginulog branioca o izvršenom podizanju nišana/nadgrobnog spomenika;

ostale dokaze o podizanju nišana/ nadgrobnog spomenika (računi i dr.).

U postupku po zahtjevu za naknadu troškova po ovoj Uredbi, općinska služba je dužna isti razmotriti, izvršiti potrebne provjere podnesene dokumentacije i pribaviti pismeno mišljenje udruženja porodica šehida/ poginulih branilaca o opravdanosti istog.

Zahtjev sa prijedlogom za prihvatanje ili odbijanje zahtjeva i kompletnom dokumentacijom, općinska služba dostavlja Ministarstvu, u roku od 15 dana od dana prijema zahtjeva.

O odobravanju isplate sredstava ili odbijanju zahtjeva odlučuje ministar Ministarstva.

Na osnovu saglasnosti Ministarstva o odobravanju isplate, općinska služba donosi rješenje.

O žalbi na rješenje općinske službe rješava Ministarstvo.

DIO TREĆI - ZAVRŠNE ODREDBE

Sredstva za realizaciju prava branilaca i članova njihovih porodica po ovoj Uredbi osiguravaju se u Budžetu Kantona u skladu sa prilivima sredstava.

O doznačenim sredstvima za isplatu novčane pomoći općinska služba obavještava korisnike i istim vrši isplatu putem tekućih ili žiro računa.

Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Danom stupanja na snagu ove Uredbe prestaje važiti Odluka o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 20/07).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

13. tačka dnevnog reda

Vlada je sa jednim glasom „protiv“ jednim „suzdržanim“ i šest glasova „za“ uz predložene izmjene i dopune donijela

**UREDBU O NOVČANOJ NAKNADI DOBITNIKA RATNIH PRIZNANJA I ODLIKOVANJA
ZA VRIJEME NEZAPOSLENOSTI**

DIO PRVI - OPĆE ODREDBE

Ovom Uredbom utvrđuju se uvjeti, način i postupak ostvarivanja prava na novčanu naknadu za vrijeme nezaposlenosti dobitnika ratnih priznanja ili odlikovanja koji imaju prebivalište na području Zeničko-dobojskog kantona (u daljnjem tekstu: Kanton) i povratnika u Republiku Srpsku.

Pravo na novčanu naknadu po ovoj Uredbi mogu ostvariti dobitnici ratnih priznanja koji su na evidenciji Službe za zapošljavanje Kantona kao nezaposlena lica, pod uvjetom da:

imaju prebivalište na području Kantona neprekidno najkasnije od 07.02.2011. godine;

su povratnici u Republiku Srpsku koji ostvaruju osnovna prava iz branilačko-invalidske zaštite u općinama Kantona ili su na evidenciji nadležnog organa za vojne evidencije u općinama Kantona.

Dobitnik ratnog priznanja ili odlikovanja, u smislu ove Uredbe je lice kojem je isto svojstvo priznato u skladu sa odredbama Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije Bosne i Hercegovine" broj 70/05, 61/06 i 9/10, u daljnjem tekstu: Zakon) a svoj status dokazuje rješenjem nadležnog organa o priznavanju prava na mjesečni novčani dodatak, izdatog u skladu sa odredbama Zakona.

Dobitnik ratnog priznanja ili odlikovanja, u skladu sa odredbama ove Uredbe, za vrijeme nezaposlenosti ostvaruje pravo na mjesečnu novčanu naknadu u visini od:

200,00 KM – dobitnik ratnog priznanja ili odlikovanja iz člana 5. stav (3) Zakona;

100,00 KM - dobitnik ratnog priznanja ili odlikovanja iz člana 5. stav (4) Zakona;

50,00 KM - dobitnik ratnog priznanja iz člana 5. stav (5) Zakona.

DIO DRUGI - POSTUPAK OSTVARIVANJA PRAVA

Zahtjev za ostvarivanje prava po ovoj Uredbi podnosi se nadležnoj općinskoj službi za poslove branilačko-invalidske zaštite u općini u kojoj dobitnik ratnog priznanja ili odlikovanja ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Uz zahtjev za priznavanje naknade zainteresovano lice prilaže sljedeću dokumentaciju:

fotokopiju lične karte;

dokaz o statusu dobitnika ratnog priznanja ili odlikovanja (rješenje o ostvarivanju prava na mjesečnu novčanu naknadu po odredbama Zakona);

uvjerenje o prebivalištu.

Općinska služba putem Službe za zapošljavanje Kantona vrši provjeru statusa dobitnika ratnog priznanja i odlikovanja kao nezaposlenog lica i o utvrđenom stanju obavještava Ministarstvo.

Općinska služba je dužna vršiti kontinuiranu provjeru podataka iz stava (1) ovog člana kvartalno i po zahtjevu Ministarstva i o svakoj promjeni obavijestiti Ministarstvo.

Rješenje o priznavanju prava na novčanu naknadu po ovoj Uredbi, odnosno odbacivanju ili odbijanju zahtjeva, donosi općinska služba, u roku od 8 dana od dana podnošenja zahtjeva.

O žalbi na rješenje općinske službe, rješava Ministarstvo.

Općinska služba dostavlja Ministarstvu primjerak konačnog rješenja o priznavanju prava po ovoj Uredbi.

DIO TREĆI - ZAVRŠNE ODREDBE

Sredstva za ostvarivanje prava po ovoj Uredbi osiguravaju se u Budžetu Kantona u skladu sa prilikom sredstava, na budžetskoj stavci Ministarstva, a ista se doznačavaju općinskim službama u redovnim mjesečnim iznosima na osnovu dostavljenih rješenja o priznavanju prava, odnosno iskazanih potreba.

Na osnovu doznačenih sredstava za realizaciju prava po ovoj Uredbi, općinska služba vrši isplatu mjesečne novčane naknade korisnicima prava putem tekućih računa.

Općinska služba je dužna u roku od 15 dana po isplati naknade dostaviti Ministarstvu pravdanje utrošenih sredstava.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Danom stupanja na snagu ove Uredbe prestaje važiti Odluka o novčanoj naknadi dobitnika ratnih priznanja i odlikovanja ("Službene novine Zeničko-dobojskog kantona" broj 19/07 i 5/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

14. tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

UREDBU O SUFINANSIRANJU SPORTSKIH AKTIVNOSTI RATNIH VOJNIH INVALIDA DIO PRVI - OPĆE ODREDBE

Ovom Uredbom utvrđuju se uvjeti, način i postupak za ostvarivanje sredstava u svrhu participacije troškova sportskih manifestacija i invalidskog sporta branilaca - ratnih vojnih invalida, koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Korisnici sredstava po ovoj Uredbi mogu biti:

ratni vojni invalidi – sportisti;

invalidski sportski savezi i invalidski sportski klubovi, čiji sastav pretežno čine ratni vojni invalidi; kantonalna udruženja ratnih vojnih invalida za potrebe održavanja sportskih manifestacija.

Sredstva po ovoj Uredbi mogu biti dodijeljena u svrhu sufinansiranja:

učešća u sportskim takmičenjima i manifestacijama invalidskih sportskih klubova i pojedinaca u invalidskim sportovima;

organizovanja sportsko-rekreacionih takmičenja i aktivnosti, te manifestacija u sportu i rekreaciji invalidnih lica;

rada invalidskih sportskih saveza i asocijacija;

rada sportskih organizacija koje okupljaju ratne vojne invalide.

U skladu sa ovom Uredbom osigurat će se sredstva kantonalnim udruženjima ratnih vojnih invalida za održavanje sportskih manifestacija.

Uredbom će se osigurati i sufinansiranje:

takmičarskih aktivnosti invalidskih klubova u sjedećoj odbojci;

Saveza za sport i rekreaciju ZDK, Saveza sjedeće odbojke ZDK i asocijacija košarke u kolicima i sjedeće odbojke FBiH, odnosno Bosne i Hercegovine;

takmičarskih aktivnosti košarkaških invalidskih klubova i reprezentativnih selekcija prilikom učešća na pozivnim turnirima u inozemstvu;

takmičarskih aktivnosti invalida - sportista na međunarodnim takmičenjima i takmičenja u pojedinačnim sportovima na državnom, Federalnom i Kantonalnom nivou;

Raspodjela sredstava u skladu sa ovom Uredbom vrši se prema programu utroška budžetskih sredstava Ministarstva za boračka pitanja Kantona (u daljnjem tekstu: Ministarstvo), kojeg za svaku godinu donosi Vlada Kantona, a na osnovu dostavljenih zahtjeva korisnika i njihovih godišnjih kalendara takmičenja, finansijskih programa te konkretnih procjena u vezi:

značaja sportske manifestacije;

brojnosti članstva invalidskog kluba, saveza ili asocijacije;

ranga takmičenja;

ostvarenih sportskih rezultata reprezentativnih selekcija u invalidskim sportovima koje obuhvataju i članove iz Kantona, klubova i pojedinaca.

Pojam iz ove Uredbe: ratni vojni invalid, upotrijebljen je u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10).

U postupku ostvarivanja prava po ovoj Uredbi, korisnici prava svoj status dokazuju rješenjem nadležnog organa o priznavanju prava na ličnu invalidninu za ratnog vojnog invalida, odnosno izvršenoj registraciji udruženja, izdatim u skladu sa važećim federalnim propisima iz istih oblasti.

DIO DRUGI - POSTUPAK DODJELE NOVČANIH SREDSTAVA

Zahtjevi općinskih sportskih klubova i sportista pojedinaca za odobravanje sredstava, podnose se općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima sjedište/prebivalište odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba), koja je obavezna zahtjev obraditi i utvrditi prijedlog visine finansijske pomoći.

Zahtjevi sportskih saveza i asocijacija invalidskog sporta organizovanih na Kantonalnom i višem nivou, izravno se dostavljaju Ministarstvu.

Zahtjev za finansijsku pomoć obavezno sadrži:

naznaku grane sporta i ranga manifestacije odnosno takmičenja, sa vremenom i mjestom održavanja;

poziv organizatora takmičenja (za takmičenja u inozemstvu);

finansijski plan – troškovnik održavanja manifestacije odnosno takmičenja i visinu potrebnih sredstava pomoći;

podatke o učesnicima odnosno takmičarima i pripadnosti kategoriji ratnih vojnih invalida, kao i stepen invalidnosti, ukoliko se radi o pojedinačnim - individualnim sportskim takmičenjima;

odluku odgovarajućeg organa o organizovanju manifestacije odnosno učešću na takmičenju.

Odluku o dodjeli sredstava utvrđenih Programom utroška sredstava, donosi ministar Ministarstva.

Na obrazloženi prijedlog ministra Ministarstva, zaključak o dodjeli sredstava za finansijsku pomoć u ostalim sportskim aktivnostima, donosi Vlada Kantona.

Isplata sredstava se vrši putem žiro računa udruženja, sportske organizacije ili pojedinca, kojima su sredstva odobrena.

O doznačenim sredstvima za isplatu sredstava po ovoj Uredbi, općinska služba obavještava korisnike i istim vrši isplatu putem tekućih računa.

Općinska služba je dužna Ministarstvu dostaviti pravdanje utrošenih sredstava u roku od 15 dana po izvršenoj isplati.

Korisnik sredstava (savez, klub, pojedinac) je dužan u roku od 15 dana od dana održavanja takmičenja dostaviti Ministarstvu pravdanje utroška odobrenih sredstava.

DIO TREĆI - ZAVRŠNE ODREDBE

Sredstva za realizaciju prava branilaca i članova njihovih porodica po ovoj Uredbi osiguravaju se u Budžetu Kantona u skladu sa prilikom sredstava.

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po obrascima koje propisuje ministar Ministarstva, u roku od osam dana od dana stupanja na snagu ove Uredbe.

Sve imenice koje se odnose na braniocima i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Danom stupanja na snagu ove Uredbe prestaje važiti Uredba o participaciji troškova sportskih manifestacija i invalidskog sporta branilaca i članova njihovih porodica ("Službene novine Zeničko-dobojskog kantona" broj 20/07 i 5/13).

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

15. tačka dnevnog reda

Vlada je sa jednim glasom „protiv“ i sedam glasova „za“ uz predložene izmjene i dopune donijela

ODLUKU O FINANSIRANJU RADA KANTONALNIH UDRUŽENJA BRANILACA I ČLANOVA NJIHOVIH PORODICA

Ovom Odlukom utvrđuju se uvjeti, način i postupak finansiranja rada i aktivnosti udruženja branilaca i članova njihovih porodica od posebnog društvenog interesa, organizovanih na nivou Zeničko-dobojskog kantona (u daljnjem tekstu: Kanton):

1. Savez dobitnika najvećih ratnih priznanja Zeničko-dobojskog kantona,
2. Udruga nositelja ratnih odličja HVO Zeničko-dobojskog kantona iz Žepča,
3. Udruženje građana Ratnih vojnih invalida paraplegičara u Zeničko-dobojskom kantonu,
4. Savez ratnih vojnih invalida Zeničko-dobojskog kantona,
5. Zajednica udruga hrvatskih vojnih invalida domovinskog rata HVO-HB Zeničko-dobojskog kantona iz Žepča,
6. Organizacija porodica šehida i poginulih boraca Zeničko-dobojskog kantona,
7. Zajednica udruga obitelji poginulih i nestalih hrvatskih branitelja Domovinskog rata Zeničko-dobojskog kantona,
8. Udruženje građana 100% ratnih vojnih invalida prve kategorije slijepih boraca i boraca sa teškim oštećenjem vida,
9. Udruženje građana Jedinstvena organizacija boraca Bosne i Hercegovine "Unija veterana" Zeničko-dobojskog kantona,
10. Savez demobilisanih boraca odbrambeno oslobodilačkog rata 1992-1995 Zeničko-dobojskog kantona i
11. Savez udruženja antifašista i boraca narodnooslobodilačkog rata u Zeničko-dobojskom kantonu.

Sredstva za realizaciju ove Odluke osiguravaju se u Budžetu Kantona na budžetskoj stavci Ministarstva za boračka pitanja u skladu sa prilikom sredstava (u daljnjem tekstu: Ministarstvo).

Visina sredstava za realizaciju ove Odluke i raspodjela istih, utvrđuju se Programom utroška sredstava Ministarstva, kojeg, u skladu sa Zakonom o izvršenju Budžeta, za svaku budžetsku godinu donosi Vlada Kantona.

Kriteriji za utvrđivanje visine pojedinačnih iznosa sredstava koji se odobravaju udruženjima su:

- a) brojnost općinskih organizacija - članica kantonalnih saveza/udruženja;
- b) utvrđene programske aktivnosti za tekuću kalendarsku godinu (redovne i posebne);
- c) realizacija aktivnosti i pravdanje utroška odobrenih sredstava u prethodnoj godini.

Iznos sredstava za potrebe redovnog mjesečnog finansiranja rada udruženja iz člana 1. ove Odluke, utvrđuje se odlukom koju donosi ministar Ministarstva.

Finansiranje posebnih aktivnosti udruženja iz člana 1. ove Odluke vrši se u skladu sa Programom utroška sredstava Ministarstva, a kojim se utvrđuje visina, način utroška i pravdanje odobrenih sredstava.

Odlukom ministra Ministarstva izvršit će se privremeno ili trajno obustavljanje finansiranja rada udruženja iz člana 1. ove Odluke, u slučajevima:

nedostavljanja završnog računa za rad u prethodnoj godini, ovjerenog od strane nadležne institucije (Porezna uprava),

nenamjenskog utroška sredstava odobrenih za redovne i posebne aktivnosti,

proteka dvostruko više vremena od vremena utvrđenog statutom udruženja za održavanje skupštine, a ista nije održana,

ukoliko se broj članova udruženja smanji ispod broja utvrđenog zakonskim propisima,

u svim ostalim slučajevima utvrđenim važećim propisima iz oblasti rada udruženja i fondacija.

Elektronsku evidenciju o korištenju prava po ovoj Odluci vodi Ministarstvo, po obrascu kojeg propisuje ministar Ministarstva u roku od osam dana od dana stupanja na snagu ove Odluke.

Danom stupanja na snagu ove Odluke prestaje važiti Odluka o finansiranju rada kantonalnih udruženja branilaca i članova njihovih porodica ("Službene novine Zeničko-dobojskog kantona" broj 20/07 i 2/13).

Odluka stupa na snagu danom donošenja, a ista će biti objavljena u "Službenim novinama Zeničko-dobojskog kantona".

16. tačka dnevnog reda

Obrazloženje za ovu tačku dnevnog reda dao je Melih Karan uposlenik Ministarstva za pravosuđe i upravu.

U diskusiji je učestvovao Premijer Zeničko-dobojskog kantona.

Vlada je jednoglasno donijela Uredbu o izmjeni Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće.

Član 2. Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće ("Službene novine Zeničko-dobojskog kantona", broj: 8/09, 14/13, 2/14 i broj: 02-02-3240/14 od 12.2.2014. godine, u daljem tekstu: Uredba), riječi: "primjenjivat će se od 1.7.2014." zamjenjuju se riječima: "primjenjivat će se počev od 1.9.2014." Uredba će se objaviti u „Službenim novinama Zeničko-dobojskog kantona“.

17. tačka dnevnog reda

Obrazloženje za ovu tačku dnevnog reda dao je Melih Karan uposlenik Ministarstva za pravosuđe i upravu.

U diskusiji je učestvovao Premijer Zeničko-dobojskog kantona.

Vlada je jednoglasno donijela Rješenje o imenovanju Drugostupanjskog disciplinskog povjerenstva za namještenike zaposlene u kantonalnim i općinskim organima državne uprave u Zeničko-dobojskom kantonu.

U Drugostupanjsko disciplinsko povjerenstvo za namještenike zaposlene u kantonalnim i općinskim organima državne uprave u Zeničko-dobojskom kantonu (u daljem tekstu: Drugostupanjsko disciplinsko povjerenstvo za namještenike), imenuje se:

1. Branka Marković, predsjednik;
 2. Azra Smailbegović-Đuherić, član;
 3. Emsudin Šarić, član.
- i zamjenici članova Povjerenstva:

1. Haris Hrgić, zamjenik predsjednika;
2. Dragan Galić, zamjenik člana;
3. Melih Karan, zamjenik člana.

za tajnika Povjerenstva imenuje se Melita Dizdar, a za zamjenika Alma Hrnjić.

Drugostupanjsko disciplinsko povjerenstvo za namještenike provodi postupak sukladno primjenom odredbi Uredbe o pravilima disciplinskog postupka za disciplinsku odgovornost državnih službenika u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 72/04 i 75/09).

Drugostupanjsko disciplinsko povjerenstvo za namještenike imenuje se na period od dvije godin,a predmete pristigle po isteku mandata dosadašnjeg Povjerenstva pa do dana stupanja na snagu ovog rješenja, rješavat će Povjerenstvo imenovano ovim rješenjem.

Drugostupanjsko disciplinsko povjerenstvo za namještenike donosi Poslovnik o radu koji usvaja većinom glasova.

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

18. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona i ministrica Ministarstva finansija.

Vlada je jednoglasno donijela Zaključak kojim se odlaže izjašnjavanje po Prijedlogu za davanje saglasnosti na Pravilnik o dopuni Pravilnika o praćenju i vrednovanju rada i sticanju zvanja nastavnika, stručnih saradnika i saradnika u osnovnim i srednjim školama, („Službene novine Zeničko-dobojskog kantona“, broj 13/08), Ministarstva za obrazovanje, nauku kluturu i sport, radi pribavljanja mišljenja Ministarstva finansija.Zaključak stupa na snagu danom donošenja.

19. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktora JU OŠ „Gazi Ferhad-beg“ Jablanica,Općina Tešanj. Daje se saglasnost da se Ismet Bahtić, nastavnik razredne nastave, imenuje na dužnost direktora JU OŠ „Gazi Ferhad-beg“ Jablanica, Općina Tešanj na period od četiri godine. Zaključak stupa na snagu danom donošenja.

20. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktora JU OŠ „Kulin ban“ Tešanjka. Daje se saglasnost da se Besim Džanović, profesor razredne nastave, imenuje na dužnost direktora JU OŠ „Kulin ban“ Tešanjka, na period od četiri godine. Zaključak stupa na snagu danom donošenja.

21. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: ministar Ministarstva za poljoprivredu, šumarstvo i vodoprivredu i Premijer Zeničko-dobojskog kantona.

Vlada je jednoglasno donijela Zaključak o davanju saglasnosti za imenovanje direktora JU OŠ „Olovo“ Olovo. Daje se saglasnost da se Suad Halilović, nastavnik geografije i historije, imenuje na dužnost direktora JU OŠ „Olovo“ Olovo, na period od četiri godine. Zaključak stupa na snagu danom donošenja.

22. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktora JU OŠ „Safvet-beg Bašagić“ Visoko. Daje se saglasnost da se Mehmed Tatarević, profesor geografije, imenuje na dužnost direktora JU OŠ „Safvet-beg Bašagić“ Visoko, na period od četiri godine. Zaključak stupa na snagu danom donošenja.

23. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktorice JU OŠ „Vladimir Nazor“ Zenica. Daje se saglasnost da se Selvedina Durak, nastavnica bosanskog jezika i književnosti, imenuje na dužnost direktorice JU OŠ „Vladimir Nazor“ Zenica, na period od četiri godine. Zaključak stupa na snagu danom donošenja.

24. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se za člana Upravnog odbora Federalnog zavoda za penzijsko/mirovinsko i invalidsko osiguranje sa područja Zeničko-dobojskog kantona nominira kandidat:

- Faruk Salčinović, kao prvi sa Rang liste kandidata.

Nominiranje kandidata zasnovano je na osnovu Rang liste kandidata sačinjene nakon izvršenog ocjenjivanja od strane članova Komisije, a prema kriterijima propisanim Odlukom Vlade Federacije Bosne i Hercegovine broj: 556/2014 od 27.03.2014. godine za ocjenjivanje kandidata u postupku nominiranja na poziciju u Upravnom odboru Federalnog zavoda za penzijsko/mirovinsko i invalidsko osiguranje. Za postupanje po ovom zaključku zadužuje se Ministarstvo za rad, socijalnu politiku i izbjeglice. Zaključak stupa na snagu danom donošenja.

25. tačka dnevnog reda

Obrazloženje i uvodno izlaganje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali ministrica Ministarstva finansija Premijer Zeničko-dobojskog kantona i ministar Ministarstva za poljoprivredu, šumarstvo i vodoprivredu.

Vlada je sa jednim „suzdržanim“ glasom i sedam glasova „za“ donijela Zaključak kojim se daje saglasnost JP „Šumsko-privredno društvo Zeničko-dobojskog kantona“ d.o.o. Zavidovići, da izvrši nabavku namještaja i parketa za svoje radnike koji su pretrpjeli štete od poplave koja se desila u maju/2014. godine u iznosu od 150.000,00 KM od Privrednog društva IP „KRIVAJA“ d.o.o. Zavidovići-u stečaju.

Kriterije za raspodjelu nabavljenog namještaja i parketa utvrdit će uprava JP „Šumsko-privredno društvo Zeničko-dobojskog kantona“ d.o.o. Zavidovići u saradnji sa Sindikatom.

Za realizaciju ovog zaključka zadužuju se Uprava JP „Šumsko-privrednog društva Zeničko-dobojskog kantona“ d.o.o. Zavidovići, Nadzorni odbor i Skupština društva. Zaključak stupa na snagu danom donošenja.

26. tačka dnevnog reda

Obrazloženje za ovu tačku dnevnog reda dala je ministrica Ministarstva finansija.

U diskusiji za ovu tačku dnevnog reda, **te zaključcima sa 171. sjednice Vlade održane 03.07.2014. godine u Maglaju, a vezano za pogodnosti kratkoročnog zaduženja i donošenju Odluke Vlade Zeničko-dobojskog kantona o istom u iznosu od 10.000.000,00 KM (slovima: desetmilijonakonvertibilnihmaraka)** učestvovali su: Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline, savjetnik Premijera, sekretar Vlade, ministrica Ministarstva finansija, ministar Ministarstva za rad, socijalnu politiku i izbjeglice i ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se pokreće inicijativa za dodatno dugoročno kreditno zaduženje Zeničko-dobojskog kantona u 2014. godini u iznosu od 30.000.000,00 KM (slovima: tridesetmilijonakonvertibilnihmaraka) u svrhu finansiranja budžetskog deficita Kantona.

Zadužuje se Ministarstvo finansija Zeničko-dobojskog kantona da u skladu sa opredjeljenjem Skupštine Zeničko-dobojskog kantona, u svrhu dodatnog kreditnog zaduženja Zeničko-dobojskog kantona u 2014. godini, pripremi i Vladi Zeničko-dobojskog kantona dostavi nacrt Izmjena i dopuna Budžeta Zeničko-dobojskog kantona za 2014. godinu i nacrt Zakona o izmjenama i dopunama Zakona o izvršavanju Budžeta Zeničko-dobojskog kantona za 2014. godinu. Zaključak stupa na snagu danom donošenja.

27. tačka dnevnog reda

Obrazloženje za ovu tačku dnevnog reda dala je Sabina Heljić, ministrica Ministarstva finansija.

Vlada je jednoglasno donijela Zaključak kojim se odobrava zaključivanje Izmjena i dopuna Ugovora- produženje ugovora, broj BA-11663977-FPE-03-MAY-2013 od 01.05.2013. godine, sa preduzećem „Oracle“ BH d.o.o. Sarajevo o pružanju usluga funkcionalne podrške trezorskom sistemu poslovanja Zeničko-dobojskog kantona, između Zeničko-dobojskog kantona – Ministarstvo finansija i „Oracle“ BH d.o.o. Sarajevo za mjesec juni 2014. godine. Ovlašćuje se Ministrica finansija, da potpiše Izmjene i dopune Ugovora iz tačke I ovog zaključka u vrijednosti od 5.400,00 KM bez PDV-a (sa PDV-om 6.318,00 KM). Za provođenje ovog zaključka zadužuje se Ministarstvo finansija. Zaključak stupa na snagu danom donošenja.

28. tačka dnevnog reda

Obrazloženje za ovu tačku dnevnog reda dao je Ibrahim Havić, direktor Kantonalne direkcije robnih rezervi.

U diskusiji po ovoj tački dnevnog reda, te

obezbjedenju sredstava preraspodjelom budžetskih sredstva u iznosu od 247.352,40 (slovima: dvijestotinečetresedamhiljadatristopedesetdvije i 40/100 konvertibilnih maraka) za ugovore usluge na ime inteventne pomoći stradalim u poplavama tj. nabavku za stočne hrane, sjemenskog materijala, prehrambenih proizvoda, higijenskih potrepština, pogonskog goriva, alata i sredstava za dezinfekciju.

učestvovali su: Premijer Zeničko-dobojskog kantona, ministrica Ministarstva finansija, ministar Ministarstva za prostorno uređenje, promet i komunikacije i zaštitu okoline, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se Mijenja se tačka II Zaključka Vlade Zeničko-dobojskog kantona broj: 02-14-2864/14 od 06.02.2014. godine i glasi: za realizaciju Programa iz tačke I utvrđena su sredstva u Budžetu Zeničko-dobojskog kantona, razdjel 25, budžetska organizacija 01, potrošačka jedinica 0001, ekonomski kod 613 400, pozicija Nabavka materijala i sitnog inventara.

U Programu korištenja sredstava Budžeta Zeničko-dobojskog kantona za otkup poljoprivrednih proizvoda od proizvođača sa područja Kantona na strani 1. u dijelu Podaci o programu tačka 6. Izvor sredstava mijenja se i glasi:

„Budžet Zeničko-dobojskog kantona za 2014. godinu, sredstva utvrđena u razdjelu 25, budžetska organizacija 01, potrošačka jedinica 0001, ekonomski kod 613 400, pozicija „Nabavka materijala i sitnog inventara“. Zaključak o izmjeni Zaključka stupa na snagu danom donošenja.

29. tačka dnevnog reda

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspeksijske poslove.

U diskusiji su učestvovali: Premijer Zeničko-dobojskog kantona i ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se Izuzima od postupanja po Zaključku Vlade Kantona broj: 02-14-11464/14 od 03.06.2014. godine, Kantonalna uprava za inspeksijske poslove i nije obavezna izvršiti izmjenu Program utroška sredstava pod nazivom „Program nabavke opreme i materijala“ Kantonalne uprave za inspeksijske poslove za 2014. godine, sa razdjela 26, budžetska organizacija 01, potrošačka jedinica 0001, ekonomski kod 821300, pozicija „Nabavka opreme“ (naknade za veterinarsko-zdravstvene preglede i kontrole kantonalnih veterinarskih inspektora), Budžeta Zeničko-dobojskog kantona za 2014. godinu („Službene novine Zeničko-dobojskog kantona“ broj: 15/13) u ukupnom iznosu 38.000,00 KM (slovima: tridesetosamhiljada konvertibilnih maraka), zbog pretrpljene štete na 5 službenih vozila, za vrijeme proglašenog stanja prirodne i druge nesreće – poplave, na području Kantona, prema Odluci Vlade Kantona broj: 02-44-10210/14 od 15.05.2014. godine.

Kantonalna uprava za inspeksijske poslove je za vrijeme stanja prirodne i druge nesreće – poplave, na području Kantona, pretrpila štetu na 5 službenih vozila, te je Vlada odlučila kao u tački 1. ovog Zaključka, radi ublažavanja pretrpljene štete i osiguravanja materijalno- tehničkih uslova za rad ovog organa, u skladu sa Programom iz tačke 1. ovog Zaključka.

Zadužuju se Kantonalna uprava za inspeksijske poslove, Ministarstvo finansija i Služba za zajedničke poslove da u skladu sa zakonom i podzakonskim aktima realizuju ovaj zaključak svako u okviru svoje nadležnosti.

30. tačka dnevnog reda

Vlada je jednoglasno donijela Zaključak kojim se zadužuje Ministarstvo finansija da pri izradi Plana novčanih tokova Budžeta Zeničko-dobojskog kantona za mjesec juli 2014. godine iz ograničenja izuzme sredstva planirana na budžetskoj organizaciji Ministarstvo zdravstva, ekonomski kod 615100-„Kapitalni transferi drugim nivoima vlasti-za zdravstvo“.

Zadužuju se Ministarstvo zdrava i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

31. tačka dnevnog reda

Vlada je jednoglasno donijela Odluku kojom se odobravanju sredstava za refundaciju troškova finansiranja nabavke opreme u JU Kantonalna bolnica Zenica.

Odobravaju se sredstva JU Kantonalna bolnica Zenica u ukupnom iznosu od 70.000,00 KM (slovima: sedamdesethiljada konvertibilnih maraka) za refundaciju troškova finansiranja nabavljene opreme od firme “Siemens”d.o.o. Sarajevo po ranije zaključenom Ugovoru o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranje troškova pripreme prostora za smještaj opreme broj: 20/1-1296 od 19.03.2009. godine.

Sredstva iz člana 1. ove odluke isplatit će se iz Budžeta Zeničko-dobojskog kantona za 2014. godinu (“Službene novine Zeničko-dobojskog kantona”, broj: 15/13) sa razdjela 21-Ministarstvo

zdravstva, budžetska organizacija 01, potrošačka jedinica 0001, ekonomski kod 615100, pozicija "Kapitalni transferi drugim nivoima vlasti-za zdravstvo".

Zadužuju se Ministarstvo zdravstva i Ministarstvo finansija da u skladu sa zakonom i podzakonskim aktima realizuju ovu odluku, svako u okviru svoje nadležnosti.

JU Kantonalna bolnica Zenica dužna je izvjestiti Ministarstvo zdravstva o namjenskom utrošku sredstava.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

32. tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

U diskusiji su učestvovali: Premijer Zeničko-dobojskog kantona, ministrica Ministarstva finansija, ministar Ministarstva za poljoprivredu, šumarstvo i vodoprivredu, ministar ministarstva za prostorno uređenje, promet i komunikacije i zaštitu okoline, ministar Ministarstva za rad, socijalnu politiku i izbjeglice i sekretar Vlade.

Vlada je jednoglasno donijela Zaključak kojim se odlaže izjašnjavanje po Prijedlogu o usvajanju Uputstva o postupcima i kriterijima za odobravanje i dodjelu finansijskih sredstava namijenjenih saniranju dijela direktnih šteta od poplava kod privrednih subjekata, Ministarstva za privredu kao predlagača, za narednu sjednicu Vlade.

Zadužuje se Ministarstvo za privredu da koriguje tekst Prijedloga Uputstva iz tačke I. ovog zaključka u skladu sa diskusijama iznesenim na sjednici Vlade. Zaključak stupa na snagu danom donošenja.

33. tačka dnevnog reda

Članovi Vlade upoznati su sa aktima;

- Zaključak općinskog vijeća Breza broj: 01/1-02-1566/14 od 26.06.2014. godine;
- Akt Kantonalne direkcije robnih rezervi broj: 17-44-10210-44-3/14 od 07.07.2014. godine.

U diskusiji su učestvovali: Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline, ministar Ministarstva za poljoprivredu, šumarstvo i vodoprivredu, ministar Ministarstva za rad, socijalnu politiku i izbjeglice i ministrica Ministarstva finansija.

Premijer je zaključio sjednicu u 13³⁰ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić